

UTA YAAMINI

KUKUMVWISYA KWAKO OMWINI

 Katu ciimvwi, asyoonto buyo lino, ku mpailo. Mbangaye omuno bajisi nkumbizyo ku moyo wako, cakuti inga wayanda Leza kucita cintucimwi cisalasale kuli nduwe mu muswaangano oyu wabaiminizi? Atu kotamike mitwe yesu lino kuli Nguwe.

² Taata Wakujulu, tuli ii–ii bantu bala coolwe kubungana antoomwe okuno mu Zina lya Mwami Jesu, mu cisi ca lwaanguluko oko nko tu konzya kukomba Nduwe kwendelana a kulailila kwa manjezeezya esu, mbuli kuciba. Alimwi twa lomba, Taata, kuti oku kuyo tola ciindi cilamfu. Alimwi lino akute kuti tubweza bubotu bwa coolwe eci cipati nco tu jisi. Alimwi akube kuti tu bikke moyo wesu onse mu kuswaangana sunumasiku, mukukomba Nduwe, kutegwa kukwaambwe kuti, “Leza wali akati kesu sunumasiku, kalongezya bantu Bakwe.” Vuna buntu boonse buli omuno sunumasiku, Mwami. Alimwi sikuwa oonse, akube kuti ajokele ku ng’anda ya Leza. Nda lombele muntu onse uucisidwe, akube kuti aponesegwa, bapengede bakonzye kweenda, a boofu babone, a basinkematwe bamvwe, kulmbaizya a bulemu zipegwa kuli Jesu Kristo akati ka bantu Bakwe. Akube kuti ku kaibalukwa kwaciindi cilamfu, Mwami, nkaambo kakuti twa libunganya tobeni antoomwe a kulomba muli Jesu ku zilongezyo ezi. Ameni.

Amu kkale.

³ Munzilaimwi, mu kuboola ku Ramada Inn, lyonse boneka mbuli kupilukila ku muunzi, mu nzila, nkaambo Nda kali kookuno kanji mane Ndi–Ndi yeeya kuti beeleder buyo kutilika kundi ziba. Elyo Ndili kkomene kuli ceeco, nkaambo Nda kajana nkamu mbotu ya bantu kuma Ramada Inn aya. Yomwe mu Tucson a yomwe okuno, ba kali basiluse maningi kuli ndime, kutu lekela kuba akuswaangana. Kutali kaindi kalamfu kainda, Nda kajisi kuswaangana kwangu, kumusanza mu Ramada Inn, nkabela mweendelezi tako ndilekela akwalo kubbadelela buyake. Eco ncibotu maningi. Nda yeeya cindi Ne kali kulanduka masi, akwalo, lino, abo bali kabotu kuli basing’anda ya Leza.

⁴ Lino, twa kali jisi, kuzwida Munsono masiku, na Musondo sikati, mubwini, ziindi zimwi zibotu mu Mwami, na nokuceya Ndi jisi. Nda kajisi ciindi cibotuloko kubotelwa zilongezyo Zyakwe, a luswaanano lwa Muuya Usalala a bantu Bakwe.

⁵ Nda—Nda yandisya kwiibaluka, kuti, antoomwe tu kombu Leza. Tuli bube bwa Leza, cibeele ca Leza, cindi waba mwana mulombe na . . . alimwi mwana musimbi wa Leza. Elyo Leza uli muli nduwe, kuyanda luyando Lwakwe, ikuti na wa Mu lekela kucicita.

⁶ Aboobo tula langila, sunumasiku, kuti muntu oonse uyo luba makani a zintu akali mu mazuba, akubikka ambali zintuzyonse, akubikka biyo myoyo moonya mu kuswaangana lino; kutali biyo ku busiku obu, pele mu kuboola kwa muswaangano wabaiminizi. Kwiina kuzumbauzya baiminizi manji balibungene. Nda bona bambi baatala sunumasiku aa cibumbili, babunganina muswaangano wabaiminizi oyo uutalika juunza. Elyo Nda lomba bantu bali waano ku lubukulusyo to twazwaa kuba, kuteeti, ikuti na kulakonzeka koonse, Nda lombozya ni mwabona nkambo ka muswaangano wabaiminizi. Tu yooba a bakanazi bamwi babotu balembedwe. Umwi mukwesu takonzya kucika, alimwi, pele tuli jisi banji okuno bakubweza cibaka cakwe. Ndi yanda kuba mu muswaangano wabaiminizi kumaninina lwangu, kubotelwa luswaanano olu.

⁷ Nyewebo mulizi, tula tanta awa mbuli bakutausi nkabela tula kanana, alimwi lyonse tula vozya ku bantu zintuzyonse zili muli ndiswe. Nda kakambauka ciyyo ciindi cimwi, oko Jesu nkakati, “Amubone mpana, obo mbo zita—zita pengani naanka kuluka, alimwi nekubaboo Nda mwaambilila kuti Solomoni mu bulemu bwakwe boonse taka sakatide mbuli imwi.” Elyo Nda kajana kuti, mpana yeelede kukomena, isikati a masiku, kuluka, kupengana, a kuli bamba ini kukkomana a mu nseba mbotu. Pele taijani cileleko kuzwa kuli neico, Iwayo. Ila lijula ini, nkabela—nkabela simwiinda mbali ulanunkizya bweema buboto kuzwa kuli njiyo. I nzuki zila jana buci kuzwa moonya mu moyo. Ilapa zintuzyonse nzoi pengela kubweza mukati. Elyo Nda kaita mulumbe wangu kuti, *Bafundisi Ba Lily*, aboobo eco nciiyo cigambya.

⁸ Pele—pele ngu, bakutausi balalipeda beni ku bantu, alimwi ncibotu mpawo kukkanbuyo acuuno a—a kusiilila bamwi. Botelwa kuyota ku mulilo, tula botelwa kukkanbuyo kunsil ya mulilo ubbeba canguzu kwa umwi aumwi a ku kasaazya myoyo yesu a Makaninabotu ayo bakwesu ngoba kambaukilila bantu. Alimwi Ndili lumbide kuba a ciindi eci kucita ceeci. Alimwi lino Ndila syoma kuti sunumasiku . . .

⁹ Billy wandaambila kuti wavozya makkadi amipailo, kumaninina. Elyo inga tii twa bamba mundando wa mipailo okuno ikuti na tweede kucita. Mwabona, inga wayandikana kuunka koonse okuya, a kwiinda mu hoolo ya mudima, a kuboola nzila eyi. Inga waligunkula ku zintuzyonse, kutegwa usika awa. Elyo bapengede a balema inga baba mu ciimo cibyaabi, ku cicita.

¹⁰ Pele ta tuzi cintu Mwami wesu cakonzya kucita. Kwayanda inga wawida eni akati kesu, sunumasiku, a—a kuponya umwi aumwi uli waano, bulwazi boonse. Oh, Inga ndasala kubona eco kwiinda mindando yoonse ya mipailo Nje kasola kuba ayo mu buumi bwangu, kubona buyo—buyo bupati bwa Leza kabuwida akati ka bana Bakwe baswiilila. Nda—Nda ciyanda eco lyoonse.

¹¹ Kanji, ikuti na ujisi kukwabana kumwi bwabugame a bantu, mbuli kubikka maanza, inga kwaba, Nse yeeyi kuti banji loko inga bacita ceeco, ee, inga batı, “Ii mukutausi *niini-niini* wakabikka maanza akwe ali ndime, nkabela, bulemu kuli Leza!” Eco cibamba bantu kulanga ku mukutausi oyo mpawo.

¹² Pele ikuti na wakonzya kwiimikila awa, kukambauka Ijwi, akulekela Muuya Uusalala kuponya umwi aumwi, mpawo kuli, nduzyalo buyo lwa Leza cakumaninina. Elyo mpawo Leza ujisa kulumbaizya, abulemu boonse. Takukwe cimvula ca cimwi kuli umwi umbi. Eyo njenzila Nje, mu mulimo wangu, nkekaambo Nse bwezi banji maningi, citakuti... Lino, busiku bwainda, twa kasola kukombela banji mbuli mbo twakali kukonzya. Pele kubikka kwa maanza...

¹³ Kanji nciindi ca masiku, ndiza Muuya Uusalala buyo kuboola eni akati ka ndiswe a kuunka kulyubulula Mwini, kulyubununa Mwini akati kesu, elyo mpawo kuli ceeco, Ndi yeeya kuti, ncakasimpe, cindi Na konzya ndiza, mu bupati, mwabona. Nse konzyi kwaamba lino kuti, “*Oyu* mwaalumi, na *oyu* mwanyakazi, na *oyo* mwana,” mwabona. I Muuya Uusalala ulazwa mu buyake a ku kanana kuli kufumbwa Ngwayo kananina. Mwabona, obo mbupati. Elyo mpawo oko kuleta luzibo, nkaambo calo ncisyomezyo ca Leza, alimwi oko kuleta luzibo lwa i... Leza, bupati, alimwi akwalo kuleta Busyu Bwakwe ansi akati kesu. Tweelede ku bubona a kubotelwa! Elyo tacikwe makani...

¹⁴ Yebo wati, “Ee, Nda kali mulema mu janza lyangu. Nda kaliko masiku ainda. Nse—Nse—Nse kaba kabotu pe.” Eco tacikwe cakucita a cintu cili coonse a ncico. Kuli nduwe, caka manisigwa kale. To langi ku janza lyako mpawo, ulanga ku cisymezyo, yebo wabo. Elyo nkikaako, tokonzya kwambakuti, “Ee, Mukwesu *Niini-a-niini* tako komba mupailo wa lusyomo, na *niini-a-niini*.” Bwalo Mbusyu ba Mwami bwakakupa lusyomo, yebo abona, alimwi mpawo Wa katuma Ijwi Lyakwe a kuba ponya.

¹⁵ Lino, masiku ainda Nda—Nda katyola cisymezyo cangu alubo. Ndiyo sola masimpe kucibamba sunumasiku, ikuti na Nda konzya. Elyo lino muuntuumwi wakati, “To kakkala a cibala cako masiku ainda.” Peepe, Nse—Nse kacita; nkaambo, Ndila mwaambilila kaambo. Nda kali kuyanda kukambauka aa ciiyo, lino Nda luba eco buya, *Pele Leza Uvvubide Mu Luse*.

¹⁶ Elyo Nda kasola kupandulula nzila Paulo, kakanana alya, wakati, "Twa kali obo mu ziindi zyakainda," ciindi cimwi, ciindi cimbi kwiinda lino, "twa kali fwide, alimwi mu cibi a nsotoko; oba Leza mba kapononosya, kubabamba baumi." Lino, nywebo mwabona, cintu cili conse kacitana kupononosegwa, kwelede kuba cintucimwi okuya caku pononosegwa. Mbo mbubo.

¹⁷ Aboobo, nywebo mwabona, ikuti na mwakali mu kuzibwakale kwa Leza, nkokuti muli cibeela ca Leza. Alimwi nzila biyo njo konzya kuba mwana wa Leza mulombe na mwanamusimbi wa Leza, wa kacita kuba cibeela ca Leza, nkabela Leza tamaninide kakutakwe nduwe. Weelede kuba. Mbū mbubo, nkaambo kuli Komwe, komwe biyo kasensa ka Buumi Butamani, nkamela oyo ngu Leza, alimwi Walo alikke ngu jisi Buumi Butamani. Mwabona? Lino, alimwi wa kali cibeela Cakwe, cakuti uli bube, na mu kuyeyya Kwakwe ku matalikilo. Alimwikuti, nkaambo Wa kayeeya nduwe ku matalikilo, cipa ku gwinta oko kuniini kutozya kuli Nguwe. Oko kwelede kupononosegwa. Bamwi babo taba kapononosegwi; taba kujisi buya, kwa mana.

¹⁸ Mbuli buyo, ikuti na wabikka nseke ya mapopwe mu bulongo, yataka jisi... Takukwe makani mboyakali mbotu, ikuti na tii yaka jisi mbuto ya buumi muli njiyo, tai konzyi kupononosegwa. Pele mbuto ya buumi yeelede kuba omuya lutaanzi.

¹⁹ Elyo Ndi jisi ako kaano kaniini kajatikizya oyo sikwaze, keenda anseke a nkuku nkaambo wa kakonkolwa a kuzyalilwa awo, pele taakwe nakalimvwa buya kuli nkuku. Elyo nywebo mulizi, cindi banyina niba kasika ambali a koongolola, wa kamvwa jwi lyaka mvwika kabotu loko kuli nguwe, nkaambo, amuyeeye, wa kali sikwaze, ku kutilika. Wa kalijana buyo mwini, jana busena bwakwe.

²⁰ Eyo nje nzila musyomi oonse njabede. To kazyalilwa inyika eyi. Wa kalengwa mu cinkozya ca Leza kukuba mwana wa Leza. Elyo to zulilwi ku lubuwa olu lwa nkuku ezi okuno. Nduwe sikwaze.

²¹ Alimwi nywebo mulizi, Nda katanta ali oyo "sikwaze" nkabela Nse kakonzya kulosya matende angu aanyika alubo, aboobo Nda kajana buyo... Nda katola ciindi cilafu loko, elyo mpawo Nda kaluba cibalo cangu mbo cakabede, a kusweekelwa bulembu bwangu a zintuzyonse zimbi. Nda kajisi ciindi cipati. Pele mbo cakabede, cakali buyo ali oyo "sikwaze."

²² Lino akube kuti oyo Sikwaze, Leza! Nywebo mulizi, Leza ulakozyanisya basinsimi Bakwe kuli basikwaze. Alimwi Ula liita Mwini kuti Sikwaze; Ngu Jehova Sikwaze, Taata Sikwaze.

²³ Ako nkekaambo Nca citila ceeco, sikwaze ulakonzya kuuluka mujulu maningi kwinda tuyuni umwi uliko, alimwi nkaambo wa kabambwa bwandeene kuzwa ku tuyuni umwi

umbi. Lino, ta yaki citeente cakwe aansi mbuli nkuku azimwi, pele ulainka atala kuyo yaka citeente cakwe.

²⁴ Alimwi cintu cimbi, ncakuti, walo tuyuni uupangidwe cabusalesale. Lino, ikuti ii—ikuti ii lubanze, na cikwaangala, na kkubi, na tuyuni umbi uli onse wasola ku mutobela mu majulu, inga wazapauka; ta pangilidwe nceeco. We elede kuba muntu musalesala uinka kutaa okuya. Bupange bwakwe mbuuba kwinda bwa tuyuni umwi umbi. Ngu . . .

²⁵ Alimwi meso akwe alabonesya kwinda tuyuni umwi umbi. Alimwi mbwa tantila mujulu maningi, nakonzya kubona kulaale. Ee, bamwi bayuni, cindi basika atala mbuli mbo beelede kuba, bala ofwaala mbuli kampaafwa. Alimwi eyo nje nzila a . . . Ee, cindi basiya obo buzumini kwabukombi, taba zibi cintu kujatikizya Ncico mpawo. "Mazuba a maleele aka mana," nkaambonzi? Taba konzyi ku Li bona.

²⁶ Pele sikwaze inga wainka mu majulu, a majulu aa majulu, kutala okuya. Ino cikugwasya nzi kutanta alya ikuti na tokonzyi kubona? Oh, Ndili kkomene loko kuba umwi wabo, a kubeleka antoomwe a ambabo bazwide citeente coonse lino.

²⁷ Atu vunune ku Ciziminano Cakale, ku Bbuku lya Tusimpi, twa kalembwa aa Solomoni, umwi wa bantu basongo loko mu nyika, kunze lya Mwami wesu Jesu. Pele Ta kali mbuli Solomoni nconzyo, Cakuti oyo Solomoni wakali muntu wakazyalwa ku mwanakazi alimwi wakazyalwa kuli wisi waansi, Davida. Pele Jesu wakali Mwana wakazyalwa kuli nakalindu, alimwi takali muntu kumaninina; pele Wa kali Leza, Leza-Muntu, alimwi Wa kali kwindilila ku muntu, Wa kali Muntu, kusanganya. Mwabona? Pele Solomoni wakali muntu buyo mbuli nduwe a Ndime, alimwi wa kalomba busongo kuli Leza, bwa kweendelezya bwami. Elyo wa kajisi cipego ca busongo, muntu simaanu maningi oyo wakazibwa lyonse kunze lya Mwami wesu. Wa kalemba Tusimpi, alimwi Ndi yeeya kuti tuli kabotu loko.

²⁸ Elyo tula jula lino ku Bbukulya Tusimpi, cipati 1, alimwi, na ciapti ca 2, mubwini, alimwi tumpango tutaanzi tusyoonto twa Tusimpi, twa 2, kutalika ka 1. Tusimpi 2, kutalikila ka 1, kuzumanana kwa Solomoni kulaya bana bakwe, "Mwana wangu, ikuti na uka tambule . . ." Mundi jatile.

²⁹ Twalo Tusimpi 3:1. Mundi jatile. Nda kalanga awa aa—aa bbuku lyangu, nkabela Nda bona kuti ngu Tusimpi 3 mu busena bwa 1 na 2. Mundi jatile. Tusimpi 3:1.

Mwana wangu, talubi milao yangu; pele lekela moyo wako ku kubamba milazyo yangu:

Kuti ube a mazuba manji, a buumi boongole, a luumuno, zi yooba . . . ziyo yungizigwa kuli nduwe.

Talekeli luse a bwini ziku siya: zyaange mu nsingo yako; zilembe a mabwe a moyo wako:

Kutegwa uka jana luzyalo a kumvwisya kubotu ku meso aa Leza a bantu.

Syoma mu Mwami a moyo wako oonse; alimwi uta yaamina kukumvwisya kwako omwini.

Mu nzila zyako zyoonse komuziba, nkabela uyo lailila kazila kako.

³⁰ Oh, Ndi yeeya kuti olo Ndugwalo lubotu maningi! Lino Ndi yanda kubweza ciiyo, kuzwa ku i—i kampango ka 5, *Uta Yaamini Kukumvwisya Kwako Omwini*.

³¹ Lino eci ii—i ciiyo ceenzu loko ku buzuba mbo tuponamo, nkaambo kwaambilisisya sunu kulede aa lwiiyo ncobeni alimwi aakumvwisya kwesu kwa zintu, mazuba a—a kwiiya. Pele tula jana kuti aka nkaambo keenzu, mbuli Magwalo amwi, kujisi busena bwa ndulo, alimwi tu syoma kuti Leza ula tulekela kubona ali busena.

³² Sunu tula tuma bana besu ku zikolo, ku kuba a kumvwisya. Mpawo bamana zikolo zya bwaambe bwa zisyobo, tula batuma ku zikolo zipati ku kuba a kumvwisya kwa luzibo. Mpawo bamana awo, bana bamwi balaba acoolwe loko akwalo kuya ku makkolegi a kwinda mu makkolegi kumanizya lwiiyo lwabo a kumvwisya kwabo ka luzibo. Ezyo nzoba jana kwiinda... Ziindi zinji, ku jana ncito, weelede kuba akumvwisya nokuceya kwa cikolo cipati, na lwiiyo lwaku kkolegi, na zimwi.

³³ Nekubaboobo, Solomoni musongo waka twaambila kuti, “muta luyaamini, kutali ku kukumvwisya kwesu tobени; kuta yaamina zintu ezi.” Nkaambo, tula libuzya kaambo nca kali kwaambila cintu mbuli ceece, nkambo kakuti kanji kumvwisya kwesu kwasyaaasunu kanji nkwa busongo bwa muntu, obo bwiiimpene ku Ijwi lya Leza. Ndi yeeya kuti nce cintu Solomoni cakali kusola kulaya bana bakwe, tee kwakali kutaziba kulemba akubala, pele kua yaamina ku kumvwisya kwabo.

³⁴ Alimwi Ndi yeeya kuti inga kwaba kulkulwaizya kubotu sunu, ikuti na twa ambila bana besu a ku bana ba Leza, kuteeti, kuli kabotu kuba a lwiiyo, taakwe caku lulwana; pele cindi lwiiyo lwaimpana ku Ijwi lya Leza, mpawo kuyaamina ku Ijwi a kulekela lwiiyo lwako kuunka, mwabona, nkaambo, ka Ijwi. Alimwi lwiiyo luya kwiima a kukupa ncito mbotu, antela kwiima kubotu akati ka bantu bapampu, pele, oko kuli kabotu, kwalo antela kuyooba lugwasyo lupati kuli nduwe, kukugwasya muli makani ako amali alimwi ku nzila ya kuponena kwako—kwako, kujanina akuponena ndiza kubotu aniini kuli nduwe.

³⁵ Pele yeeya cintu comwe, mwana wangu, weelede kuyoofwa. Takukwe makani ukuvula kwa lwiiyo ndo jisi, kuvula kwa cilengwa nco konzya kuvuzya, nekubaboobo weelede kuyolanganya lufu, nkaambo kuli lembedwe, kuti, “Bantu beelede kufwa, kwamana boobo Ndubeta.” Alimwi Leza, cindi... Lufu taluli lubi loko, pele kuboola ku Lubeta nce

cibela cibbi. Lino, inga wafwa, “pele kwaakumana obo Ndubeta.” Alimwi Leza taka buzyi nzila mbo kaiya maningi cindi nookali ano aa nyika, kuvula kwa luzibo ndo jana lunji, naa ujisi yako Bbacela ya Arti, na kufumbwa digrii antela ndo jisi, nokuba mbuli mukutausi. Tali kayandikani kuli nduwe.

³⁶ Pele kuyo yandikana kuli nduwe, eco ncakacita kujatikizya kumvwisya kwa Ijwi lya Leza. Mpaawo ceelelo mpo ciboolela, nkaambo kakuti Iwiiyo lwako luli kabotu, pele Ijwi lya Leza Mbuumi. “Ijwi Lyangu Mbuumi,” alimwi ku Li ziba Mbuumi. Alimwi Wa—wa kati, “Ko Mu ziba.” Walo ndi Ijwi. Aboobo inga wa Mu ziba biyo kwinda ku Ijwi, nkambo Walo ndi Ijwi. Eyo nje nzila biyo njoya ku Mu ziba, kwiinda ku Ijwi Lyakwe.

³⁷ Muntuumwi inga waboola a kuti “oyu ngu Leza,” na “oyu ngu Leza,” na “oyu ngu Leza,” na “eci cili kabotu,” alimwi “eco cili kabotu,” pele tujokela ku Ijwi, lili Mbwini.

³⁸ Elyo Ijwi lili mbuli buyo i—ii Nyenyezi ya Kunyiika, ni nyenyezi ya bwini. Takukwe makani nzila inyika mboi impauka, eyo Nyenyezi ya Kunyiika ila akati ka Nyika. Wa bikka kkampasi yako ku Nyenyezi ya Kunyiika. Lyoonse ili kakati ka nyika. Nyenyezi zimwi zila impauka kuzunguluka inyika, pele Nyenyezi ya Kunyiika ulasitikila zii.

³⁹ Lino kkampasi Muuya Uusalala, ailimwi (i) mbaakani yako—yako inga yaba Nyenyezi ya Kunyiika, mbubonya Muuya Uusalala lyoonse uyo tondeka ku Ijwi. I Muuya Uusalala tauka kusololeli kuli cimwi cimbi cita Ijwi lya Leza. Abobo mbobuti muntu mbwa konzya kuzumina buzumini bwabukombi, kakuli buliimpene ku Ijwi, elyo mpawo kucaamba kuti ujisi Muuya Uusalala? I Muuya Uusalala inga uyo kutondekela kuzwa kuli boobo. Citola Muuya Uusalala ku kutondekela ku Ijwi, nkambo Walo ndi Ijwi. Wali ndi Ijwi, alimwi Li konzya biyo... Mboli i—mboli magnneti mu kkampasi ubikkidwe buyo kutozya ku Northi Poo, eyo nje nzila ilikke nko konzya kukwelela. Alimwi cindi Muuya uusalala nouli Mukamwini a Mulembi, Sikupononosya wa Ijwi, mbobuti mbo Li konzya kutondekela muntu kuli cintu cili conse cimi cita ku Ijwi?

⁴⁰ Aboobo cindi muntu aamba kuti ujisi Muuya Uusalala, a kuzumina cintucimwi ciimpene ku Ijwi, citondezya kuti oyo tauli Muuya Uusalala winiwini ngo ba jisi. Mwabona? Kwayanda nceelo, inga Nse cikazya eco, pele ta—ta uli Muuya Uusalala wa Kristo. Lino, nywebo mulizi, ziindi zinji, ba bwezelana myuuya; elyo aboobo ako inga kaba kaambo keni, mukati mbuli nkamu ya bantu, ku cintu cimwi, pele ta—ta katondeki kuli Kristo. Pele Muuya Uusalala lyoonse utondeka kuli Kristo, alimwi Kristo ndi Ijwi.

⁴¹ Tula bona eci antangalala mu Bbaibbele. Na, Nda cita. Ndiza Nse lusi, pele, mu kuyeyya kwangu, pele ndi yeeya boobo; nkaambo, kakuti, eci: “Uta yaamini kukumvwisya kwako

omwini ku zintu.” Ikuti na wa yaamina kukumvwisya kwako omwini, nkokuti ulisinikizidwe kuleya kuzwa mu mugwagwa uululeme. To konzyi kuyaamina kukumvwisya kwa umwi umbi, kakuti ciboola ku Buumi. Ku jana Buumi, weeledе kuyaamina ku Ijwi. Obo Mbuumi.

⁴² Tula bona eci, kuzwa ku matalikilo. Cila yubununwa antangala kuli ndiswe, kuzwa ku matalikilo, kuti Leza wakapa mukwasyi Wakwe mutaanzi anyika Ijwi Lyakwe, kuponena kuli ndilyo. Ijwi Lyakwe luzutu, lyakali kwakuponena ko. Lino, kutali kwiinda mu kulya zyakulya, a zimwi zimbi. Pele Ijwi Lyakwe ndyo bakeelede kuponenako, Cabutamani. Alimwi kufumbwa kuti bakabamba Ijwi eelyo, baka pona Cabutamani. Pele kabeela kaniini katanzi ka Ijwi eelyo kakabikkwa buteelede, nketani yonse yaka dunsuka, nkabela mukowa wabantu waka dumpukila mu lufu. Mwabona, lino tula ziba.

⁴³ Eva, kwiina kuzumbauzya kuti wakali muntu mupampu, mutaanzi kuzwa kuli Adamu, oyo wakali i—i mwana wa Leza, alimwi Eva nincobeni, mukuba mu kabeela ako kwakanyina cibi, taakwe busena bwakali bwa cibi, nincobeni kweelede kuti waka jisi muzeezo mubotuloko wa Leza mbwakabede. Nkaambo, masikati lyoonse, walo a mulumi wakwe bakali kweenda ku ciindi citontola ca muunda, ku mangolezya, a kwaambaula busyu ku busyu a Leza. Ino ii—ncintu citali kabotu ku muntu unga weenda busyu ku busyu a Leza, buzuba abumwi, elyo mpawo kunyonena kubuzyabuzya kwa cintucimwi eci caka mupa kuyeeya kuzwa ku Ijwi lya Leza!

⁴⁴ Tu ciba jisi. Bala yeeya cabuteteete loko kuzwa ku Ijwi lya Leza, kumane kukkanala mu Busyu bwa Leza. Mukubona Ijwi lya Leza kali kambaukwa, Ijwi lya Leza kali tondezegwa, bakolwi a basizibi kaba booola ku cipaililo a kusanduka a kuba zilenge zipya muli Kristo, bantu basimpupo mbi kuba balindu a balombwana basitikide; elyo mpawo kuzwa ku Cintu eco cilelekedwe caka basololela ku Buumi obu, elyo mpawo kupilingasigwa kuzwa kutobela musyobo umwi wa buzumini bwabukombi, kuba basimpupo mangingi na—na kunjila muli ceeco ncobayo ita kuti musela mubotu wa bantu.

⁴⁵ Baa, uli mu musela mubotu maningi oyo uliko: bana balombe abasimbi iba Leza. Ee, Ndila iyanda eyo nkamu kwiinda Mbwe konzya boonse bami a baleli, zintuzyonse zimbi. Ndipe nkamu eyo ibombede ya bantu, ikuti na taba zyi janza lyabo lyalulyo kuzwa kuli lya lumwesi lyabo! Kufumbwa kuti kabazi Leza, aku Mu yanda aku Mu belekela, oyo ngu simpupo waku Julu, kuli ndime. Iiyi, munene!

⁴⁶ Lino, pele tu jana kuti Eva wakoongelezegwa cabuteteete a Saatani, kuzwa ku Ijwi lya Leza, nkabela waa kayaamina kukumvwisya kwakwe mwini, nkaambo Saatani waka tondezva

cintucimwi kuli nguwe eco catakali kumvwisywa kwakwe kuli Leza. Pele waa kajisi cintucimwi cimbi caka mwaambila kwinda kuli sinkondo, Saatani, nkabela waa kacisoma.

⁴⁷ Lino tu jana cakacitwa cilii boobu: caka dumpukizya mukowa wabantu oonse mu lufu, nkaambo ka baama bataanzi aa nyika, kuyaamina kukumvwisywa kwakwe mwini, kwiimpene ku Ijwi lya Leza, aku dumpukizya mukowa wabantu oonse mu lufu. Lino mula syoma obo na? [Mbunga yaamba, "Ameni."—Mul.] Eelyo ndi Ijwi. Ee, mwanakazi lyoonse...

⁴⁸ Mbungano, mu Bbaibbele, ncikozyanca mwanakazi. Alimwi mbungano sunu inga yazumina cikama ca tuyanza na bukombi bwa buzumini, aku dumpukizya mbunga yoonse mu kwandaana kuzwa kuli Leza. Abo bantu baka sala zintu ezyo, mu cibaka ca Ijwi lya Leza, bali buyo mbuli Eva. Elyo kwa kacita cakuloolola, mane caka jata eyi nzyalani yoonse kudumpukila kuzwa ku Ijwi lya Leza.

⁴⁹ Elyo cindi Ijwi lya yubululwa, Ijwi lya yubununwa, taba ka Li tambuli, nkaamboa taba kacicit, nkaambo ba yaamina kumvwisywa kwabo beni. "I mbungano yakakwa awa. Yalo mbusena bubotu. Yalo nkabunga kapati. Mamembala ayo mubili wabantu mupati. Nkaambonzi ncotu tazulilwi kuli njiyo? Njo syoma muli njiyo." Utasyomi mu kumvwisywa kwako omwini, pele kosyoma mu Ijwi lya Mwami!

⁵⁰ Lino—lino caka gola, kumalekelo, mu lufu ku mukowa oonse, mbuli Mbwe amba, mbubonya alino, ku bantu banji abo bayaamina kukumvwisywa kwabo beni, tuyanda a buzumini bwabo, azimwi zimbi, kutaminina, "I Ijwi lya Leza talili bwini kumaninina, kuti Limwi linanikidwe a limwi tali nanikidwe." Mbobuti mbo konzya kuba a lusyomo mu Bbaibbele, ikuti na cibeela ca Ndilyo cili nanikidwe a cibeela tacili obo? Ikuti na kamwi, ikuti na kabalululo kamwi kali lubide, nkokuti cintu coonse inga kacilubide. Lyoonse lyeelede kuti kali lumene, kululama ncobeni.

⁵¹ Elyo zimwi ezi zitegwa, zikolo zya Bbaibbele zyakapilingana ziyyisya luzibo lwa muntu, akuvuzya, oko nko babungana antoomwe a kukkala mu kkanso ya bantu, a kwaamba kuti, "Lino amulange, ikuti na mazuba a maleele, aka mana mu mazuba aa baapostolo." Elyo bantu banji kunsi lya bbishopo na muntu mupati, bakkala alya a kwaamba kuti, "Ee, ikuti Nda konzya buyo kuzuminana a nguwe, kwiina kuzumbauzya pele inga Nda ba mu munkali utobelka ku cuuno cakwe." Mwabona, mpawo kuyaama kkumvwisywa kwako omwini, mu busena bwa kwiimikila ku matende obilo nkambo ka Ijwi lya Leza. Eco ncecipa zintu ezi.

⁵² Ciindi cimwi cainda, umwi... Nda kali mu kukazyanya twa mutelo uuvolwa. Elyo bakati kuli ndime, kati, "Baa, basyomesi bako tabali cintu pele beendelezegwa buyo, Nda yeeyela."

⁵³ Nda kati, "Ikuti na Nda kajisi musyomesi aa bboodi oyo wata kajsi muzeeso wandeene, aunga taimikila a (Ta ndikwe makani oyo ucikanana) unga watondezya kuyeyya kwakwe mwini kuli ncico, inga Nda mugwisya kuzwa ku bboodi." Iiyi, munene. Nekubakuti cakaliimpene ku buzumini bwangu, Ndi yanda atondezye eco nca yeeya kuti cili kabotu. Eco Nce kamubikkila okuya, kubona eco ncaamba kujatikizya ncico. Pele tuli jisi eco.

⁵⁴ Amuzibe, Jesu wakati, mu Musalali Johane 10, "Mbelele Zyangu zilizi Jwi Lyangu." Ii Jwi, mubwini, ndi Ijwi Lyakwe, cindi Na kanana. "Mbelele zyangu zilizi Jwi Lyangu. Jwi Lyangu lyaka tondezya kuli mbabo, kuba kasimpe. Lya kasimpikizigwa kuti ndi Jwi Lyangu." Lino, lino amuzibe, tabeelede kutobelala jwi limwi buyo. Taba kaciti. "Mbelele Zyangu zilizi Jwi Lyangu, nkabela mweenzu tazika mutobel." Mu majwi amwi, tazi kamvwisyi jwi lwa lwiiyo lwabukombii eelyo liyiisya kwiimpana ku Ijwi. I mbelele tazi mvwisyi eelyo, mbuli biyo oyo sikwaze, masiku ainda, takakonzya kumvwisyi kulila kwa nkukunseke. Ta zili mvwisyi, nkaambo wa kali sikwaze. Elyo nce cintu nciconya ku mwana wa Leza wini wakazyalululwa, ba mvwisyi buyo zintu zya Leza.

⁵⁵ Lino muntuumwi waamba, "Ee, langa lino, inga wacita *ceeci*, Ndi yeeya obo. Cili, Ndi syoma kuti taili *eyi* nzila. Ndi syoma kuti mazuba a maleele aka mana. Nse syomi kuti oko nkuponesegwa kwa Buleza. Nse syomi *Cecici*." Lino Munakristo wini wakazyalululwa ta kaimi mu matwe akwe, ta cimvwisyi pe. Alimwi obo muntu mbwa konzya kusyoma muli Leza, a kukonzya kubala Bbaibbele a kubona kuti Ngu mbobuca nguwenya, sunu, amuya myaaka, uyo sola kuzumina cintu cili boobo, Nse cimvwisyi.

Aboobo, taba yaamini kukumvwisywa kwabo beni.

⁵⁶ Mbuli buyo ii—ii muvwanda. Wa bweza muvwanda muniini, aku mulekela kuzyalwa aku mulekela lomwe ku yaama aa camba ca banyina, kunyonka kuzwa kuli mbabo, mukupa ukasaala, kuyaamina mutwe wakwe muniini acamba cabo, nekubakuti wazwaa kuzyalwa buyo maora akukomena. Mu buzuba na obilo kuzwida awo, mugwisye kuli banyina a kumupa ku lukolo lwa mwanakazi mweenzu, uyo bbansa matende akwe maniini mujulu a koomoka. Tabali banyina. Mwabona, uli jisi kale cintucimwi kujatikizya nguwe, nkaambo walo cibeela ca banyina aba, nekubaboobo bulenge bwaka mubambilila nzila ya kuziba banyina beni.

⁵⁷ Elyo ikuti na bulenge bwakabamba nzila ya muvwanda kuziba banyina, kuzwa nkwa kazyalilwa, nkunji buti nkwa jisi, mwana wa Leza waazyalwa ku Muuya wa Leza, uli bazyi Banyina. Uli zyi, nkaambo wa kazyalwa ku Ijwi, alimwi ula mvwisyia Ijwi. Mubikke mu busena bweenzu, nincobeni ula—ula

sweeka mu busena, uyo zwa okuya cakufwambaana mbuli mbwa konzya. Nkaambo uli jisi, ta yaamini . . .

Muntuumwi waamba, “Lino lindila, oyandwa, aba mbanyoko lino.”

⁵⁸ Tabali banyina, nkaambo uli jisi nzila ya kuziba kuti ncibeela ca banyina. Abo mbanyina, taakwe umwi umbi ukonzya kutola busena bwabo. Uli bazyi banyina beni. Amuzibe, mbocili obo, obo mbocili kasimpe loko. Leza wakalenga zintuzyonse mbuli musyobo azyo.

⁵⁹ I ng’ombe mbuli musyobo wayo. Ziindi zinji mu kuyobolola, twa kali kuleta matanga oonse aa ng’ombe a banamani maniini, Nda kali kulibuzya nzila mbo bakalikusola kuziba bamanyina. Lino, zila, zila boola kuselemuka kuzwa ku malundu, ng’ombe zyoonse zisangene antoomwe. Ii—ii—ii ng’ombe mpwizi ujisi munamani, ndiza munamani muniini uuwide nzala inga wanyonka aniini kuzwa ku nyina imbi, ikuti na ulaanzala kapati; pele cindi wa baimika, kumasena aa nkwaalale, eyo nyina ilatalika kweenda mu bbunga elyo lya ng’ombe mpwizi a banamani mane bajana bayo, nkabela munamani uya buzuza kutobela nyina. Uli zyi kuti kulila kwakwe kupati kwa kupenzya. Alimwi uya bulilisyua munamani oyo, alimwi manyina ambi ala lilisyua mane tokonzyi akwalo kulimvwa kuyeeya, pele oyo munamani muniini uyo jana lwiito olo lumwi lwa banyina, nkaambo walo ncibeela ca banyina.

⁶⁰ Elyo Munakristo wakazyalulwa kuzwaku Julu, walo ncibeela ca Ijwi eli. Nconzyo. Nyina imbi tai katobel. Walo ncibeela ca Ijwi. Ula kkala a Ijwi. “Ikuti na mweembo wapa kulila kutamvwiki, nguni ukonzya kulibambilu ku nkondo?” kaamba Paulo. Uli zyi kulila kwa Ijwi. Amuzibe nzila—nzila eci mbocibede, janza lya kakanzwa ilya Leza kali batobel moonse. Uli zyi kuti wa kalisalidwe, wa kali mu Bwini bwa Makanimabotu. Uli zyi kuti wa kazyalwa ku Muuya wa Leza. Uli zyi kuti Muuya wa Leza taukonzyi kukaka Ijwi lya Leza, aboobo nkikaako mweenzu ta katobel. Amuzibe nzila . . .

⁶¹ Wa kacebukide okuno ku bulembu Mbwe kalembede okuno. Nda—Nda ka bwiindilila, pele Nda kacitika kubona Lugwalo lw kubala, kayeeya kuti inga Nda tondeka kusule kuli ndulo alubo. Amuzibe nzila mbelele Zyakwe mwini zyakakanzwa zyaka Mu tobela, moonya mu mazuba basilwiiyo bapati maningi bazya buleza abo mbe baka jisi lyonse. Ba kayutuka ncobeni, nkaambo bakali Muzyi. Ba kalizi eco Ijwi ncolyaka syomezya ku buzuba obo. Ba kalizi obo Mesiya mbwa keelede kuba. Cindi Na kasika, elyo Simooni Petro wakasika kuli Nguwe, oyo wakali biyo “Simooni” kaindi . . .

⁶² Elyo Andreya wakasola kumwaambila makani, akuti, “Oyu Muntu ngu Mesiya.” Ee, Simooni, mubwini, ndiza wa kali muyumu mutwe aniini, nkabela ta kaunka.

⁶³ Pele cindi nakeenda mu Busyo bwa Jesu, cindi Jesu nakati, “Zina lyako ngu Simooni, alimwi uli mwana wa Jonasi.” Lino tu lizi kuti Jesu wa kaaambilila baapostolo Bakwe kuti Wa kalibazi, alimwi wa . . . kuzwa ku malengelo aa inyika, ba kali bube bwa miyeeyo Yakwe. Nkikaako, mukuba olo Lunyungu lwa kalede muli nguwe, alimwi wa kalizi kuti Ijwi lya kaamba alimwi kwaka syomezegwa kuti Mesiya wakali kuyooba musinsimi, alimwi cindi na kabona eco, wa kali manide kuzela nswi. Wa kaziba mpawo kuti uyo losya manyandi akwe, nkaambo wakali kuba- . . . kuyooba muzeli wa bantu. Nkambo . . .

⁶⁴ Lino, mpaawo wakaima abamwi bakaimvvi alya, abo bakabona cintu nciconya kacicitwa, a kubikkwa musela wa “muuya mubi.” Abo bakali basilwiiyo lwabukombi, nkaambo tii kwakali kweelela kwa kuiiisa kwabo kwabukombi. Elyo baka cikaka, nkaambo baka yaamina kukumvwisya kwabo beni, kwinda kuli bamaiyi babo; kakuli, Jesu Kristo wakasika mukuzulila kwa Ijwi lya cisyomezyo, nkabela bakali ofweede kapati ku kucibona. Ba kayaamina ali ceeco bapaizi ncoba kaamba, alimwi ali ceeco mbungano ncoya kaamba, mibusena bwa ali ceeco Leza nca kaamba.

⁶⁵ Lino, Jesu waba tapatila nkambo ka ncico. Wa kati, “Amulingule Magwalo, nkambo muli Ngawo mutaminina kuti mujisi Buumi Buteeli. Elyo Alo Nga lunglula Ndime. Aya Magwalo Nge mwaambila kulingula, Ala amba kuti Ndi Meni.”

⁶⁶ Pele tiiba kayaamina kuli ceeco Ijwi ncolya kaamba, pele baka yaamina kukumvwisya kwa mbo kwaabede. Ba kayaamina kukumvwisya kwabo beni. Alimwi Lugwalo lula twaambila kuti bakali vumbidwe. I cisitilizyo ca lwiyyo lwabo lwabukombi caka baofwaazya.

Nywebo mwati, “Mukwesu Branham, ino usika kuli?”

⁶⁷ Ndi boola buyo kuli ceeci. Eci cintu cicitika alubo, mane, baalumi a banakazi a bantu bayo yaamina ku mbungano imwi eyo njo bakasangana a kuzulilwa nkuko, kakutakwe makani Ijwi lya Leza nco lyaamba kujatikizya ncico. Ba beenda ncobeni a ceeco, kuyaamina kukumvwisya kwabo beni, a kufutatila Ijwi lya Leza, mbuli Tii lyaka (sola) kulembwa. Ni mbuto zitameni zya buumi bwa bantu. Bweelede kuba buumi bwakunyama, pele buumi bwa kumuuya muli njiyo bweelede kupononosegwa. I cisitilizyo cakali ku masuy abo.

⁶⁸ Lino amubone, ba kajisi miyeeyo yabo beni ya obo Leza mbwa keelede kuba, ba kajisi mizeezyo yabo beni ya obo Mesiya mbwa keelede kuba. Pele Ijwi lya kaamba Mesiya mbwa keelede kuba! Lino, mwabona, ba kajisi kumvwisya kwabo beni obo Mbwa kali kuyooba. Kwiina kuzumbauzya pele eco mupaizi mupati nca kaamba, “Boonse bapaizi bangu bali kensi lyangu, Ino cindi Mesiya aboola . . . Twa kayaka tempele pati awa. Twa kacita koonse oku. Elyo Bbaibele lyakati, ‘Uyo boola

cakufwambaana ku tempele Lyakwe,’ a zintu ezi zyoonse. Cindi Aku cita, Mesiya uyo boola nkoonya okuno a kulizibya Mwini a ndiwe, a kwamba, ‘Ndime Mesiya. Nda sika. Ndime Mesiya oyo ngo mwakali kulangila.’’ Ee, cindi Na kacita, Wa kaboola munzila yandeene kuzwa njo bakali kuyeyya kuba, teeba ka Mu ziba. Tiba kazi Obo Mbwa kabede. Pele Yakwe . . .

⁶⁹ Oh, ikuti . . . ino kuti sikuupaupa umwi nakeenda okuya a kuti, “Ndime Mesiya. Ndili Mwiyi Niini-a-niini”? Niba kacitambula.

⁷⁰ Pele cindi waboola ku Muntu wakazyala a kuzyalwa kusiya kunze Lyakwe, taakwe lwiyo lwa cikolo cimwi Nca kasola kuunka, ku kwiya, takwe seminari Nja kajisi, taakwe kkadi lya luswaanano; pele Wa kali bupanduluzi lwa Ijwi lya Leza, baka yubululwa. “I milimo, eyo Nje cita, ila mwaambilka kuti Ndi Meni. Ikuti na ta Ndi citi milimo eyo yakasyomezegwa kuti Nji cita, nkokuti muta Ndi syomi.”

⁷¹ Elyo sa tatukonzyi kweezyanisya eco ku buzuba obuno? Cindi Muuya Uusalala wakusika, cakuti ba yanda kucibikka ku bukkalo bumwi bumbi, kakuli Aboola mu ncintu a luyubunuko lwa nguzu Zyakwe zya Buumi Butamani, bantu bayanda kuciita kuti ii—ii “kwiindilizya kwakusondoka.” Nkaambonzi? Ba yaamina kukumvwisywa kwabo beni, kutali ku Ijwi lya Mwami. Nywebo mulizi kuti cili luleme.

⁷² I kulizibya, kuti Leza, bupanduluzi Bwakwe nkuyubululwa kwa cisyomezyo.

⁷³ Ndiza Nda caamba, ku cibamba antangala maningi aniini. Cindi Leza akanana Ijwi, Ta yandikani mwaalumi umwi na mwanakazi umwi, umwi umbi, wa kwaamba Eelyo nco lyaamba. Cindi na kati . . . Ee, yebo watu, “Leza wakali kupandulula ceeci.” Leza waamba buyo Eco Nca pandulula. Mwabona?

⁷⁴ Lino mbobuti Mbwa pandulula Ijwi Lyakwe Mwini? Ku Kuli zulizya. I Bbaibbele lyakati, “Ii nakalindu uyo mita,” waa kacita. Eco taci yandi bupanduluzi buli boonse. Leza wakati, “Akube mumuni,” nkabela wakaba. Eco taci yandi bupanduluzi buli boonse.

⁷⁵ Leza wakati, akwalo, ku mazuba aya akumamanino Uyo tila Muuya Wakwe aa bantu boonse, nkabela Wa kacicita. Eco taci yandi bupanduluzi buli boonse. Eco ciyandikana biyo kuzumina, muntuumwi ku zumina eco Leza nca kacita. Ta ciyandikani bupanduluzi. Leza ulapandulula Ijwi Lyakwe Mwini. Leza waka syomezya zintu nzo tubona, buzuba a buzuba, kuti Uyo cicitu ku buzuba bwamamanino.

⁷⁶ Bantu sunu, mbuli mbo kwakabede kaindi, ba kayaamina kukumvwisywa kwabo beni. “Mweembeli wangu waamba kuti oko ‘nkwiindilizya.’’ Pele Bbaibbele lyakati ciyo citika. Nguni ula kumvwinsya ngomuya kuyaamina?

⁷⁷ I Bbaibbele lyaka syomezya ku mazuba akumamanino, kuti Bukkalo bwa Mbungano ya Laodikeya buya kuvuba maningi, alimwi kujana loko kutali- . . . , na, mu kwanya kwabo beni: "Ndili vubide; Taakwe nce bulide; Ndili kkede mbuli namalelo." Alimwi ili vubide. Alimwi Wa kati, "Yebo tozyi kuti uli sampaukide." Lino, obo mbukkalo bwa mbungano yoonse, mbungano! "Ku mbungano ya Laodikeya: 'Ula ciswe, moofu, mucete, usampaukide, a uta cizyi.'" Kakkede mu buvubi bwakwe, zyuulu zili kkumi taimuzi zyuulu zili kkumi, a zyuulu zya mamembala, lubono lwa inyika mu janza lyakwe, kutandila. Ku cibikka antoomwe, kusika sunu, antomwe a mbungano ya Katolika abana Protestant, antoomwe, mbuli mbo baunka antoomwe, bali jisi lubono lwa inyika.

⁷⁸ Ta tukwe mali mu cisi eci, kutandila buyo. Tuli muku kweleta ku mitelo eyo iya kubbadelelwa myaka ili makumi one kuzwa lino, bala ndaambila, mbubonya mbo bakaamba mu *Life Line*. Mitelo, njo tubelesya lino, iyo bbadelwa myaka ili makumi one kuzwa lino. Muzukulu wangu muniini, ikuti na Jesu tana boola, mitelo njaya kupa cindi anooli myaka ili makumi one yakukomena, tuli mu kwiibelesya lino. Kutuma lusyomo ku masena ambi, nkabela bama India besu a zintu zifwa nzala; kusola kuula luswaanano. To uli luswaanano. To konzyi kuula mulongwe. Peepe, pele nce ncico ncotu cita. Eyo nje nzila njo tubambidwe, kutezya bantu ku zintuzyonse nzo bakonzya kujata, mutelo, mutelo, mutelo. Elyo ta tuno zwide ku nkongole ya lumamba kwa—kwa myaanda ya myaka, Nda yeeyela, mo tuyu waalilwa kwiinda kuli basitunzenyu. Elyo lino ta tweelede kuba boobo. Takukwe kaambo kuli ndiswe ka kuba boobo.

⁷⁹ Pele mambungano, lwawo, aba avubide. "Kutandila ku lubono lwa inyika," lyaamba Bbaibbele, "lilede mu mbungano ya Katolika." Nke kaambo Russia ncoya kaitandila, kaambo Russia ncoya kagusizya. Abo mbe basibuleya beni ba kkomunizimu, nkaambo mbungano ya kayiisyia kuba cintucimwi, kwakanyina limbi kuzwa amwi aa inyika.

⁸⁰ Cindi ni twakali kutala okuya mu Finland, oyo mulombe muniini waka busigwa kuzwa ku bafu. Mpaawo kwakaimikila nji basilumamba bana Russia, a kwaamba cuti, "Tuyo tambula Leza oyo ukonzya kubusya bafu."

⁸¹ Twa apanga tubungwe, a zikolo a—a mayake, a kukacilwa kucita eco Jesu nca katwambila kucita, kwakali "Kukambauka Makanimabotu." Twa sola kuyiisyia inyika. Taakwe nakati, "Amukayiisyie inyika; oyo uyiide uyo futulwa." We elede kuzyalululwa, kuzulwa Muuya. Ako nkekambo twa kacilwa maningi cabubi, kulikonse. Mwabona, tuli jisi lubono, tuli jisi cintu.

⁸² Lino ncinzi ciyo citika? Elyo cindi eyi mbungano, Kkanso Yanyika iya Mambungano, boola antoomwe, sa tamukonzyi

mu muboni uya kusololela? Sa nywebo nobana Methodisti a Presbyteria tamukonzyi kumvwisya ceeco, nobamwi anywebo, akwalo ku bana Pentekoste? Mwaamba kuti tamu kanjili. Muyo njila nape muvo mwaya kabungwe kanu. Muyo cita comwe na cimbi. Cili nkoonya kumbele lyanu, mweelede kucicita. Cila sungulizya, caando ca munyama. Alimwi obo mbocibede, ncobeni. Ciimo catubungwe cakumaninina (Nda konzya kucitondezya ku Bbaibbele) kuti ncaando ca munyama. "Waa kali muvuule; waa kajisi bana basimbi basibwaamu." Elyo tu lizi kuti obo Mbwini. Bukombi bwakabunganisigwa, buliimpene ku Ijwi, alimwi ngu sikulwanakristo mu milao yao. Kutali zintuzyonse omuya kuti ngu sikulwanakristo; pele mu milao yao, nciyanza cili ngu sikulwanakristo, nkaambo cilwana Ijwi lya Leza. Kufumbwa ciyanza cakabunganisigwa munzila eyo.

⁸³ Mpaawo mpo mubede, mwabona, alimwi myuaamina ku muntuumwi umbi kwa kumvwi...kumvwisya kwabo, mu cibaka cakuyaamina kukumvwisya kwa Leza, kwinda kuli eco Leza nca kaamba kujatikizya ncico. Ako nkekaambo ta ciluzi. Basankwa bala inka ku maseminari abo bajisi lwiyo lubotu, kuya ku zikolo ezi zya Bbaibbele, mbo zitegwa. Alimwwi ndiza, ba jisi lwiitolwa Leza mu moyo wabo. Elyo bala inka okuya nkabela ba iisigwa maningi a kulanganya komwe, kuti, "*Niini-a-niini* waka caamba, Bbishopo *Niini-a-niini*. *Oyu* waka caamba. *Oyo* waka caamba. I kkanso ya bantu yaka zuminana, *eyi* nzila mboceelede kuba."

⁸⁴ Nse kwe makani eco umwi ncaamba! Jesu wakati, "Amuleke majwi oonse a muntu abe bubeji, nkabela Angu abe Bwini. Takukwe makani na nguni, Angu abe Bwini!"

⁸⁵ Lino mbobuti mbo tuziba obo Bwini? Cindi Bbaibbele lya tondezya kuti cinntucimwi ciyo citika, kuti cintcimwi ciyo tola busena, nkabela cacitika munzila eyo.

⁸⁶ Lino, Bbaibbele lyakati, "Muli nguwe mwakali i—i lubono lwa inyika": ngolide, nsiliva.

⁸⁷ Lino, ikuti na tuli aa ceelesyo ca ngolide, nkabela ta tukwe mali, lino ncinzi ciyo citika? Ncinzi ciyo citika? Nywebo mulizi, bavubi ca cisi eci, aya mafakitoli mapati, a basima whisiki a basimatombwe, abamwi mbuli baabo, bayo cinca cilengwa camali, aboobo cintu biyo nco tuyu kuyandika kucita nkvakweleta. Elyo kuli biyo busena bomwe nko tukonzya kwaakweleta. Elyo cindi twa kucita, tuyu sambala bupati bwesu kuli ncico. Mbo mbubo. Mpawo ncinzi ncomuya kucita? Muyo vubwa kuli ncico, eco ciyanza. Taakwe cimbi pe, njo mukonzya kucita.

⁸⁸ Oh, bantu, muta yeeyi kuti Ndi... Inga mwayeeya kuti Ndili sondokede. Pele cindi jwi lyangu lya kuumuzigwa mu lufu, aya mateepu acino lizigwa, nkabela muyoziba kuti eco Nee kaamba

caka citika. Inga ndaba muntu mufuba-loko kubweza kwiima oko Nkwe kaima, nokuba kulwana cintu eci, Inga—Inga nkeno—Inga nkeno lwana Leza, Inga nkeno lwana zintuzyonse zya Leza, ikuti na Ndi (ikuti Nda jisi) lilubide mu kuyeeya kwangu a kwiitwa kwangu. I cintu inga caba cakulwana Leza. Pele Nda kabweza kwiima kwangu nkaambo Nda cibona awa mu Ijwi. Ndi Ijwi lya Leza. Mpawo Nda cibona kacisimpikizigwa, kutondezegwa kuti nca Bwini. Obo mbupanduluzi Leza mbwapa bwa Ijwi Lyakwe. Bupanduluzi bwa Leza Mwini ibwa Ijwi Lyakwe mboobo Mbwa Li simpikizya aku Li bamba kuba bwini.

⁸⁹ Nkaambonzi Bafarisi ncobakali boofu? Ncinzi caka babamba kuba moofu maningi? Nkaambo teeba kazumina ciyubunuzyo na kusimpikizigwa kwa Ijwi.

⁹⁰ Elyo nkekaambo sunu mambungano nca ofweede, nkaambo taba kazumini ciyubunuzyo cili muku simpikizigwa. Ikuti na Ijwi lyaamba booboo, alimwi lya yubununwa, alimw mpawo lya tondezegwa, nekubaboobo tabaka Li zumini.

⁹¹ Ako nkekaambo aba ba Juda, ba Juda kusikila buzuba obuno, taba kaciti. To konzyi kwaambaula kuli mbabo makani a Kristo, nkaambo cisilitizyo cicili ku meso abo, balofweede.

⁹² Alimwi mbungano, to konzyi kwaambaula kuli mbabo kujatikizya Makanimabotu aazwide a nguzu zya Leza, nkaambo kaleza ka inyika eyi kakabofwaazy a kuzwa ku tusimpe twa Leza, elyo ba yaamina kukumvwisy ka wabo beni. Cindi banakazi baboola mu cikombelo a kugele masusu abo, nkaambo beembeli babo bala baambila, “Oh, oko kuli kabotu. Oyo muntu uli sondokede.” Pele Bbaibbele lyakati waa cita cilubide cindi na cicita, Leza waakaka kwiingula mupailo wakwe. Elyo bamwi banakazi bapanga sampu limbi, akusola kuba bakambausi, mpawo wa cita cintu cabubili. I Bbaibbele lyakati ta elede kucita ceeco, cimwi caco. Pele kabunga ka mbungano kayo citambula, a kumu nanika a kumutuma kubusena. Ba yaamina kukumvwisy ka wabo beni!

⁹³ Lyomwe Ijwi lya Leza kutalibikka bweelede, na kutamvwisy buteelede, na ku Tali tambula, kudunsula Nketani yoonse. “Muntu taka poneni ku cinkwa cilikke, pele ku Ijwi lyoonse lizwa ku mulomo wa Leza.”

⁹⁴ Nkaambonzi cili, banakazi, mula ndimvwa kukambauka kulwana zintu ezi, zya kusama zigongolole, a misila, a—a zyakubamba masusu zya ceeci awa ca masusu ageledwe, a musyobo oyo oonse wa zintu, elyo mpawo amwaka cindi Nda joka mu cikkede mu ciimo nciconya na? Nku kaambo kakuti myaamina kukumvwisy kwanu mibusena bwa Ijwi lya Mwami.

⁹⁵ Elyo, beembeli, nkaambonzi tamu salazyi mbungano yanu? Nkaambo mwiinka ku buzumini bwanu bwabukombi ibwa kabungwe mibusena bwa Ijwi lya Mwami. Nconzyo. Muta yaami

kukumvwa kwanu kwini. Ee, muta yaami kukumvwa kwanu kwini, pele aa Ijwi lya Mwami.

⁹⁶ Inga tiiba litambula, nkaambo inga tiiba tambula kusimpikizigwa. Jesu wakasika a—a Makanimabotu, nzila njionya buyo Nja kaamba kuti Uyo boola. Nokuba ziindi zinji...

⁹⁷ Johane wakanyongana aniini cindi na kawaalilwa mu ntolongo, elyo wa—wa kaselemukila okuya... Elyo wa kakambauka kuti kwakali “Kuboola Mesiya, Oyo ujisi cipupuluzyo mu janza Lyakwe; Uyo salazya cibuye Cakwe kumaninina, a kuumpa buungu kubelesya mulilo utakwe buzime, a kubungika whiiti mu butala.” I Muuya wa Leza kauleta, kukunka kuzwa kuli nguwe mbuli ii—mbuli kasensa. Elyo mpawo cindi na kabona Jesu kaboola aa cilao, Mulombwana, mubombe, muniini wa musyobo waansi katontaika koonse, kuzuzila awa, nkambo ka buumi Bwakwe, a kubusena *okuya*. Baa, teeba ka...

⁹⁸ Johane taka cikonzya kucimvwisya, aboobo wa katuma basikwiya bamwi kuyo buzya kuzwa kuli Jesu ikuti na ncobeni Wa kali Nguwe. Ino ndisampu kuli Jesu! Nakamana oyo musinsimi kwiimikila alya mu maanzi, a Ijwi lya Leza, kati, “Nda kali Mu zyi, nkaambo Nda kabona i—i Muuya Uusalala, mbuli nziba, Leza kaseluka kuzwaku Julu mbuli nziba akuya kuli Nguwe, elyo Nda kamvwa Jwi lizwaku Julu, kaliti, ‘Oyu Mwana Wangu uuyandwa,’” elyo mpawo Johane kati, “Kamuya, muka Mu buzye ikuti na Wa kali Nguwe ncobeni, na—na—na—na katu cilangila umbi?”

⁹⁹ Lino, Jesu taka mutumina bbuku lya nzila ya kulilemeka mu ntolongo, na mbungano nja keelede kusangana. Pele Wa kati, “Amukkale abusena kaindi kaniini a kulangilila cicitika, elyo mpawo mwiinke kuyo tondezya Johane zintu nzo mwabona a kucitwa,” nkaambo kakuti mulimo Yakwe Nja kacita yaka Mu simpikizya kuba Mesiya, Mwana wa Leza. “Ulacoolwe oyo uutalebwii muli Ndime.”

¹⁰⁰ banji maningi baka lebwa. Aboobo bantu banji bala lebwa cabuteteete loko ku Ijwi lya Leza. Ci—ci impene, ba yanda kuyaamina kukumvwisya kwabo beni. Taba yandi kubweza Ijwi lya Mwami. Alimbi bacita kuunka buyo nzila eyo—eyo njoba ka yiisigwa kuunka. Elyo nzila njoba ka yiisigwa, mbungano yabo iyaamina ali ncico. Takukwe makani na Leza waka syomezya kuti Uyo—kuti Uyo wusya mvula, kuba a mvula kuseeni, a mbungano yakati “obo mbufuba,” inga baku syoma mbungano mibusena bwa Leza. Ku kaambonzi? Ba kazyalwa ku mbungano.

¹⁰¹ Pele muntu wakazyalwa kwa Leza, ngwa Lunyungu lwa Leza. Elyo Lunyungu lwa Leza ndi Ijwi lya Leza, alimwi uponena biyo kuli Leelyo. Obo Mbuumi bwakwe.

¹⁰² Lino, baka yaamina kukumvwisya kwabo beni, pele teeba kali kuyanda kuyaamina ku Ijwi lya Leza. Ba kalizi kabotu loko. Kwakali mu Lugwalo. Ba ka ciita kuti “muuya mubi,” oyo Muntu. Nkaambo kanzi? Bapaizi babo bakati, “Kufumbwa uunka kukumvwa oyu Muntu kakambauka, uyo tandwakuzwa mu sinagogi.”

¹⁰³ Cindi muntu naka ponesega oyo wakali moofu lumwi, kuli Jesu, nobaba bazyali bakwe, kakkomanan loko kujatikizya kuponesegwa, pele bakali kuyoowa kwaamba kuti wakali Jesu waka cicita. Inzya.

Wa kati—wa kati, “Sena oyu mwana wako?”

Kati, “Iiyi.”

Kati, “Nguni wamu ponya?”

¹⁰⁴ Kati, “Ta—Ta ndizi.” Kati, “Wa kakomena, komu buzya. Ula, ula konzya ku lyaambilila mwini.”

¹⁰⁵ Nkaambo, kwa kaamba, kuti, “Kufumbwa muntu uyaamina kuli Nguwe, kumvwisya kwa Kristo,” mibusena bwa kumvwisya kwabo, “naka tandwa kuzwa ku mbungano yabo.” Lino, sa eco tacili buyo mbubonya? Nda mubuzya mubuzyo wantangalala. [Mbunga yaamba, “Ameni.”—Mul.] Mbubo. Ci bamba cintu nciconya. Takukwe makani eco Leza nca cita, ceelede kweendelana kukumvwisya kwabo, kutali eco Leza ncasimpikizya kuba Bwini. Lino, alimwi oyo muntu waka jisi bwiinguzi, nekuba.

Wa kati, “Nguni wakuponya?”

Wa kati, “Ula tegwa Jesu waku Nazareta.”

Kati, “Ngu sizibi. Ta tuzi oko Nkwa kazwida.”

¹⁰⁶ Wa kati, “Lino, eco ncitu ceenzu. Mweelede kuba basololi ba oora eli. Elyo ngooyu Muntu wajula meso angu, eco citana citwa kuzwa inyika niya katalika, alimwi nekubaboo ta kuzi oko Nkwa zwida.” Oh, ma!

¹⁰⁷ Nkaambonzi? Ba kali kuyaamina kukumvwisya kwabo beni mibusena bwa Ijwi lya Mwami. Nkaambo Isaya wakati, “I boofu bayo bona, balema bayo sotoka mbuli mbaambi, lukula luyo pasuka mu lutangalo.” Pele mwabona kuti ba kayaamina kukumvwisya kwabo beni, kutali ku Ijwi; ciyanza cabu beni ncoba kabamba.

¹⁰⁸ Lino, amubone mambungano sunu mbwaacita cintu nciconya. Ba kapanga kuzundana kulemu kupati kwa kumvwisya, mu ziyanza yabo zyatubungwe. Cakuti, ba jisi kumvwisya kulemu, taba yandi umwi umbi kuba cenga ancico, taakwe uboola mukati citakuti bazulilwa ku nkamu eyo.

¹⁰⁹ Muta ndaambili; Ndi kkala mu Tucson, Arizon. Nda kaunka okuya myaka yotatwe yainda, Nda kaswaana a kkanso ya mambungano, nkabela Nda kati, “Nse kaboleela kutilisyia

mbungano. Nda kaboola kuba a luswaanano a ndinywe. Nda kaboleela kumugwasya. Ndili missionari, muvangeli, kufumbwa Nce cita.”

Ba kati, “Sa waboola okuno kuzo talisya mbungano?”

¹¹⁰ Nda kaamba, “Peepe, munene. Nda kaboola okuno . . . Ikuti na Ndi yanda mbungano, Ndi jisi yomwe mu Indiana.” Nda kati, “Nda kaboola okuno nkaambo Mwami waka ndisololela okuno mu cilengaano. Ndiyo kkala kwa kaindi kaniini lino, citakuti Wa ndisololela kuzwa, pele Nse kaboleela kutalisya mbungano. Nda kaboleela kugwasya ndinywe bakwesu.”

¹¹¹ Eyo yakali myaka yotatwe yakainda. Nse na tambidwe ku busena bomwe. Nkaambonzi? Nkaambo kwakaba kuswaangana atoomwe kumane biyo eco, a kuti, ikuti na bantu bamwi baka ndilekela mu cikambaukilabu cabu, bayo tanda mukambausi oyo. Mwabona? Nkaambonzi? Kuyaamina kukumvwsya kwabo beni! Nincobeni, eco nce ciitwa boobo, ba panda kumvwisywa kwabo kulemu.

¹¹² Citakuti wabikka zina lyako mu bbuku lyabo, uyo . . . uli sweekede. Ii mukutausi waka ndaambila obo. “Oh,” nywebo mwati, “oyo wakali silweeno umwi.” Wa kali wa Pentekoste.

¹¹³ Jack Moora a Mebo twa kakkala alya a kumu swiilila ku Dallas, Texas. Wa kaamba kuti wwakali kuyo gwisya muntu oyo mu bbuku.

Nda kati, “Nkaambonzi?”

“Nkaambo wa kaba aluswaanano a ndinywe.”

Nda kati, “Ee, kuli gwisya.”

Wa kati, “Ee, ula sweeka mpawo.”

Nda kati, “Kusweeka?”

“Baa,” wa kati, “ikuti na zina lyakwe talili muli ndilyo!”

¹¹⁴ Nda kati, “Sena wamba kuti uli mwaalu wa cooko nkabela usyoma ceeco?”

Wa kati, “Obo mbwini.”

¹¹⁵ Nda kati, “Kozwa ku fooni, mudaala. Yebo, yebo . . . Olo taluli luzyalo lwa Leza, kuti—kuti—wabona.”

¹¹⁶ “Nkambo ku Muuya omwe tula bbizigwa mu Mubili omwe, akuba zizo zya Mubili oyo.” Tandikwe makani cidindo neco jisi ali nduwe, eco tacikwe a cintu cakucita ancico. Uli Munakristo kumaninina kwiinda ku Kuzyalwa. Eyo nje nzila ilikke, nzila ilikke njo konzya kuba; kutali kusangana, kutali kwinda ku buzumini bwabukombi, kutali kubotelwa *eci*, kuloolola kwaamba *eci*, na kufumbwa cintu cimbi, na ku lwiyo, kwiyya kwabukombi. Uli Munakristo cindi wazyalululwa, alimwi tokonzyi kuzyalululwa citakuti wa kasalwa kuzyalululwa. “Nkambo taakwe muntu ukonzya kuboola kuli Ndime cita Taata Wangu wa mukwela, alimwi boonse abo Taata Wangu mbaka

Ndi pa bayo boola.” Ameni. “Njo mibusya alubo ku buzuba bwamamanino.”

¹¹⁷ Ezi zikolo zipati zitegwa nzya Bbaibbele nzo tujisi, zilati, yaamina ku kwiiya kwanu. Oh, ma. Balo, takukwe makani eco Ijwi nco lyaamba, bala konzya kucipandulula antangalala loko, oh, kuli lwabo beni, kulibamba beni ku cisyoma, a musyobo wabo beni ku cisyoma, kuteeti, “I mazuba a maleele aka mana. Takukwe cintu mbuli musinsimi, basinsimi, baapostolo. Takukwe cintu mbuli zipego zya kuponya a zimwi. Žyoonse zyakagola kaindi mu mazuba aa Bbaibbele.” Bala konzya kulibamba beni kusyoma obo.

¹¹⁸ Nywebo mulizi, Bbaibbele lyakati, “Ula konzya kusyoma bubeji a kunyonyoonwa kuli mbubo.” Mwabona, obo Mbwini ncobeni. Bala panga, takukwe makani eco Ijwi lya Leza nco lyaamba, ba yaamina kukumvwisya kwabo beni. Ba, ba yaamina kuli ncico, bala cisyoma, bayeeya kuti nca Bwini. Ula konzya kuzumanana kusyoma bubeji, cakuloolola loko, mane caba Bwini kuli nduwe. Mbo mbubo.

¹¹⁹ Pele mbobuti mbo tuziba naa bwalo Mbwini nape? Leza ulatondezya kuti Mbwini, nkaambo cili mu Ijwi Lyakwe alimwi Ula Li simpikizya. Ula cita bupanduluzi Bwakwe Mwini bwa Ndilyo.

¹²⁰ Mbobuti mbo bacita, kujana ceecci? Bala cicita ku cilengwa cabu, lwiyo lwabo, kukumvwisya kwabo kwa i—i ciimo ca digrii lya mwiyi, azimwi, kuti ba kazwa ku seminar imwi a kwiiya zinntu ezi.

¹²¹ Pele amulange, beenzuma, amuswiilile. Taakwe busena mu Bbaibbele mpo twa kalombwa kumvwisya. Tii twa kalombwa ku Li mvwisya. Twa kalombwa ku Li syoma. Ku Li syoma kwinda kunzi? Ku lusyomo. Ikuti na wa Li mvwisya, nkokuti eco cibamba lusyomo kutacibeleva. To konzyi ku Li mvwisya, pele ko Li syoma nekuba. Ikuti Nda konzya kumvwisya Leza, inga Nse elela kusyoma Leza. Nse mumvwisyi Leza. Taakwe muntu uumvwisya Leza. Nse konzyi kumvwisya Ijwi lya Leza, pele Ndila Li zumina. Ndila Li syoma. Nse kalombwa ku Li mvwisya.

¹²² Nse citi, tii ndakaunka ku seminar alimwi koonse oku kumvwisya kupati kwa luzibo lwa muntu aali Eelyo. Ndi zyi buyo kuti Bbaibbele lyaamba kuteeti “Jesu Kristo ngu mbobuca nguwenya, sunu, amuya myaaka,” alimwi Ndila Mu langila mu ciga eco nciconya. Ndi lizi kuti Wa kasyomezya kuti Uyo cita mu buzuba obu bwamamanino, Ndila Mu langila ku kucicita alimwi Ula cicita. Mbo mbubo. Wa kasyomezya luzyalo, Nda ka lulangila nkabela Nda kalutambula. Wa kasyomezya kuponya, Ndila kusyoma alimwi Nda kakuzumina, alimwi Nda kakutambula.

¹²³ Lino, nsiyandi kutola ciindi canu cinji, pele ndi yanda kubuzya cintu comwe ikuti na mula ndikkazililamoyo asyoonto, ku kulanganya bamwi abo bata kayaamina kukumvwisya kwabo beni; basyaakacite bamwi bamu Bbaibbele, basyoonto buyo, bata kayaamina kukumvwisya kwabo beni, kakutakwe kulanganya kumvwisya kwa bukkalo bwabo mbo bwakabede.

¹²⁴ Atu bweze, kupa mukozyanyo, Nowa. Nowa wakapona mu buzuba bwa kubbutukizya kupati kwasayaansi. Ku mazuba aa Nowa, antela bakayaka mapiramidi, ayo ngeba takonzyi kuleta alubo. Lino ta tujisi cintu caku cicitya, taakwe cakunyamuzya myaala mipati mujulu amuya. Taba konzyi, sunu. Mazuba ayo, ba kajisi misyom imwi ya makkemikko nge bakali kukonzya kubikka mu dai a kupanga zisani kuboneka cabulenge kusikila sunu. Ba kajisi misinza yakucita imbaumu cakuti bakali kukonzya kupanga mutunta kutabola kwaciindi cilamfu; ta tukonzyi kupanga omwe, sunu, ikuti ni twa kacita. Tuli jisi... arti inji njo twa kasweekelwa. I buzuba mbwa kapona, mu bukkalo bwa sayaansi yabusongo.

¹²⁵ Jesu waka tondeka kuli mbubo, kuti eyo musyobo nguonya wa bukkalo uyo bweeda Ka taninga kujokela, "Nkambo mbuli mbo kwakabede ku mazuba akwa Nowa." Lino, ula syoma eco, embo na? Sena mula syoma kuti Jesu wakaamba booboo? Sena mula syoma kuti twa bweeda ku bukkalo obo? Lino, omo mu Bbuku lyu Luka, cipati 17 a kampango ka 29.

¹²⁶ Lino muli Luka 17:30, Wa kati, "Elyo mbuli mbo kwakabede ku mazuba a Lota, cindi Angelo wa Mwami..."

¹²⁷ Lino, Wa kali kubala Bbaibbele ndilyonya ndyo tujisi. Elyo cindi Na...Kujokela a kujana musyobo wa buzuba mbo bwakabede mvula ya kwa Nowa kiitaninga. Kujokela a kujana musyobo oyo wa buzuba inyika kiitaninga kunyonyoonwa ku mazuba a Lota. Tu jane mbo bwakabede, nkabela mula bona eco Jesu ncakali kwaambaula.

¹²⁸ "Ku mazuba a Nowa, ba kali kulya, kunywa, kukwata, kupa mu lukwatano; akuuta ciziba kusikila Nowa naka njila mu bwaato, nkabela zambangulwe lyakasika, akuba tola boonse."

¹²⁹ Ku mazuba a Lota, kakutanaba buyo kuti inyika ya... mulilo wakaumpa inyika ya Bamasi, bana Sodoma, kwakali basikoonana mulicabo, kupilingana, zintuzyonse mu inyika. Ii mpati... Yakali Los Angeles ya busyaasunu; kutali biyo Los Angeles ya busyaasunu, pele Unitede States; kutali biyo mu United States, pele inyika. Ya kali masimpe. Lupilingano! Bantu baka sweekelwa nzila yabo ya bulenge ku buumi a kumvwisya kwabo kwakunyama kwa kuyeeya kubotu, baka pilingana kwinda ku muuya mubi oyo wakacinka bweende boonse bwa buumi bwabo bwakunyama, nkabela baka njilwa myuuya ya madaimona. Ikuti na eco tacili cifwanikso ca mazuba akwa Nowa, Nse cizyi, alimwi ku mazuba aa Lota, Nkwe amba.

Ku mazuba aa Nowa, alo, kulya, kunywa, kukwata, kupa mu lukwatano, kuulana nkuta mukulekana, a zintuzyonse, mbuli buyo mbo kwakabede.

¹³⁰ Pele, amuyeeye, inyika kiihana kunyonyoonwa, Abrahamu wakali tumidwe aa atala aa nyika akupegwa cisyomezyo ca mwana. Alimwi Abrahamu waka swaana Leza mu ziimo zinji, mbuli cikozyanyo ca mbungano yaka swaana Leza. Pele lunyonyooko katana kusika nkabela mwana wa cisyomezyo waka bweeda, na kuboola, mubwini, mwana waka syomezegwa, wa kaboola, Leza waka seluka ansi a kutondezegwa mu mibili wabantu, mu muntu, bantu botatwe. Elyo baka selemukila kuli Lota; kaboola lutaanzi kuli Abrahamu, nkabela baka kkala azyuuno. Elyo Abrahamu waka cincidwe zina lyakwe kuzwa kuli Abramu kuba Abrahamu; Sarai kuba Sarah.

¹³¹ Elyo oyu Muntu, Mukanazi, Elohimu, cindi Na kaseluka kuyo kanana kuli nguwe, ncinzi Nca kaamba? Wa kati, “Uli kuli mukaintu wako, Sarah?”

Kati, “Uli mu tente, kunze Lyako.”

¹³² Kati, “Njo muswaya kweendelana ku ciindi ca buumi.” Elyo waa kaseka mu tente, kusule Lyakwe. Elyo Wa kati, “Nkaambonzi Sarah waseka?” Mwabona? Lino, Na ka mujaya Sarah mpoonya awo, kukuseka Ijwi Lyakwe; pele Ta kakonzya kucicita, nkaambo Sarah wakali cibeeda ca Abrahamu.

¹³³ Elyo asunu, Jesu wakaamba muli Luka cipati 17 a kampango ka 30, “Mbuli mbo kwakabede ku mazuba aa Lota, mbubonya mbo kuyooba ku ciindi camamanino eelyo Mwana wa muntu . . .”

¹³⁴ Lino amuyeeye, “Mwana wa muntu” walo *musinsimi*. Jehova wakaita Ezekieli kuti “mwana wa muntu.” Jesu wakasika mu mazina otatwe: Mwana wa muntu, Mwana wa Davida, Mwana wa Leza. Wa kaliita Lwakwe kuti “Mwana wa muntu” kutegwa bantu kaba mvwisya, nkambo Wa kali oyo Musinsimi walo Mwami Leza ngwa kali kuyo busya.

¹³⁵ Lino amubone, mpawo Wa kasyomezya nzi? I Mwana wa muntu uyo liyubununa Mwini alubo ciindi eco kacitana kuba, mulilo kuutana boola. Alimwi eco cakali citondezyo camamanino eco Abrahamu nca kabona mwana katana kusika; nkabela wa kasanduka ku mwaalumi mukubusyi, nkabela a walo kuba mwanakazi mukubusyi. Kakutanaba . . . Lino amubone, Lugwalo lulaamba cigaminina obo, lino tweelede kulangila ceeco.

¹³⁶ Elyo mpawo ikuti na twa bona inyika mu lupilingano a zintu omibede sunu, kubwezwa mu nzila mboibede, mpawo mbobuti mbo tukonzya kuti eco cili luzi akutaamba eci cimbi kuti cili luzi? Nkaambo, muntuumwi, uyaamina ku kukumvwisya kwabo, a kutali kukumvwisya kwa Sibwami wa buumi Oyo wakali

Muntu wakali ku mulyango ambabo ku Sodoma. Lino, tula bona, tu tuyaaамини kukumvisya kwesi kwini.

¹³⁷ Nowa ta kayaamina kukumvwisya kwakwe. Bwa kali bukkalo bupati bwasayaanzi, pele ta kayaamina kukumvwisya kwakwe ikwa buzuba bwakwe. Pele wa kayaamina ku cisyomezyo ca Leza, a kweenzegwa ku nguzu zya Leza, akubamba bwaato mu kuvuna ng'anda yakwe. Kakuli, cakali impene ku kuyeeya kuli kabotu; kwakanyina maanzi kutala okuya, taakaliko. Pele wa kalizi, ikuti na Leza wakati ayooba, ayooba. Aboobo ta kayaamina kukumvwisya kwakwe mwini, pele ku lusyomo wa keenzegwa aa cisyomezyo ca Ijwi lya Leza. I Muuya waka mweenzya, nkabela wa kacicita.

¹³⁸ Abrahamu, ta kayaamina kukumvwisya kwakwe kujatikizya buumi bwabantu. Wa kakwata mukaintu wakwe katandila kuba a myaka ili kkumi aciloba yakukomena. Mpawa wa kali, myaka ili makumi aliciloba yakukomena, elyo walo myaka ili makumi ali cisambomwe yakukomena, mukuba myaka ili kkumi kuba mwana. Pele Abrahamu taka yaamina kukumvwisya kwakwe, cindi Leza nakati Uyo mupa mwana kwinda kuli Sarah. Pele wa kaita cili conse, cizibyo casayaansi cili conse kuti cakaliimpene ku Ijwi lya Leza, kuyaaminakumwi kunze zya Ijwi lya Leza, mbuli kuti tii cakali obo. Aimwi wa kalumbaizya Leza, kali muyumu, ka Mu lumbaizya. Ta kalanganya akwalo kulanga mubili wakwe mwini na kufwa kwa mubili wa Sarah, na—na mubili wakwe. Ta kalanganya cili conse, pele waka yaamina ku cisyomezyo ca Leza. Ta kayaamina kukumvwisya kwakwe mwini. Wa kayaamina kuku buzyabuzya.

¹³⁹ “Baa,” yebo wati, “Mukwesu Branham, nke kaambo Leza taponyi balwazi, tu jisi bamadokota manji bakubwene kabotu.”

¹⁴⁰ I Bbaibbele lyakati, “Tu sowela nasi kubuzyabuzya.” Ta tubuzyibusi. Lusyomo talu buzyibusi. Lusyomo lula syoma a kuzumina. Amuzibe.

¹⁴¹ Pele wa kasyoma mubusena bwa kuunduluzya; a kwiita zintu, zya kaliko, mbuli kuti zyakaliko, eco ncobeni cakali kulwana kubuzyabuzya kumwi. Pele ta kazyabuzya. Wa ka cisyoma buyo. Kwakanyina twaabmo ta kukonzya kutondezya kuti muvwanda kuti inga nakazyalwa. Oyo mwanakazi wakali kutandila myaka ili makumi kwiindilila ciindi cakuya kumweezi, nkabela mubili wakwe wakali mbuli ufwide. Elyo cindi nakali myaka ili mwaanda yakukomena, nikwakainda myaka ili makumi obilo ayosanwe, wa kacili kulumbaizya Leza, kulwana bube buli bonse bwa kumvwisya. Pele ku lusyomo, wa kalizi kuti Leza inga uyo zwidilizya Ijwi Lyakwe. Ta kayaamina kukumvwisya kwakwe mwini.

¹⁴² Ino kuti Musa naka yaamina kukumvwisya kwakwe, cindi Lez naka mwaambilka kuti wa kali kuyo—kuyo tola Farao... na bana ba Israyeli kuzwa ku janza lya Farao? Ino kuti na

kayaamina kukumvwisya kwakwe mwini, kakuli wa kaliko okuya munsi lya Musumpululu wa Mulilo, cindi Leza nakati, "Koya kumusanza nkabela Njo oba anduwe"? Ino kuti na keelela kuyaamina kukumvwisya kwakwe kakuli wa kabalaeta ku Lwizi Lusalala, nkabela kwakali maanzi, elyo mpawa Leza waka basyomezya nyika ya cisymezyo? ino kuti na kayaamina kukumvwisya kwakwe mwini, "Mbobuti Mbweyo lanzduka okuya? Ta tujisi ciindi cakuyaka cizabukilo. Njeeyi impi kaiboola nkoonya kusele lyesu. Ngaaya alundu ku mabazu obilo. Ngaaya maanzi kunembo lyasu, Lwizi Lusalala"?

¹⁴³ Lino, ikuti na kayaamina kukumvwisya kwakwe mwini, na kawaala maanza akwe a kuzuza, kuwida ku matende aa Farao, kwaamba, "Farao, ndijatile, Nda kalubizya."

¹⁴⁴ Pele ta kayaamina kukumvwisya kwakwe mwini. Pele wa kakomba, nkabela Leza waka mwaambila kutaamukila kunembo, elyo lwizi lwa kajuka, oko kwakali kulwana kubuzyabuzya koonse. Pele ta kayaamina kukumvwisya kwakwe mwini.

¹⁴⁵ Ino kuti Joshua, cindi na kaunka okuya a tubungwe tumbi tuli kkumi, a kweenda okuya a kubona nyika ya cisymezyo ca Leza, alimwi nakajokela a mbabo a kuti, "Lino amulindile aniini. Mbwalo mbwini. Tu libonya mbuli nsozi. Balo mabbabbani. Mbobuti mbo tukonzya kusola kubatola? Ta tujisi a maceba alo; buyo nzo twa kabwezeleya. Mbobuti mbo tukonzya kusola kunjila a kutola nyika eyo? Baa, ta cikonzeki kumaninina. Mbanji kwiinda ndiswe, bantu bali makumi osanwe kuli omwe. Mbasilumamba baka yiisigwa, alimwi tatuli cintu pele cikama ca beembezi bamatanga a basikukanda daka kuzwa mu Egepita. Buti? Ta tujisi akwalo ntobo a zintu, mbobuti mbo tuya kusola kwiitolata?"

¹⁴⁶ Baa, kumvwisya inga kwaterdezya masimpe kuti teeba kali kukonzya kucicita. Kufumbwa simpi wakali mbuli mbwa kabede, na Musa, taka konzya kuyaamina kukumvwisya kwakwe mwini. Pele kumvwisya kwabo, teeba kayaamina ali nkuko. Pele ba kalizi kuti Leza wakati, "Nda mupa nyika eyo. Kamuya mu kiitole!"

¹⁴⁷ Muta yaami kukumvwisya kwanu nobeni. Ikuti na mwa yaamina kukumvwisya kwanu nobeni sunu cindi nomu cisidwe, ndiza kukkan mu whiluceya, kufwa ku kkulenge, penzi lya moyo, nkabela dokotela waamba kuti uyo fwa, ikuti na mwa yaamina kukumvwisya oko, moyo fwa. Pele muta yamini kukumvwisya oko. Nee ncobeni.

¹⁴⁸ Ino kujatikizya malambo aku Jeriko, ayo nge baamba kuti bakali kukonzya kwiinzya muzundano wa nkalaki atala ali ngawo, alo malambo mapati? Leza wakati, "Kamuya atala awo a kumacing'a kwiizunguluka ziindi zinji, a kulizya mweembo nkabela yoonse mu koongolole, nkaela bulambo buyo

wida ansi.” Ee, eco cakali, kumaninina, kuba cabufuba ku mizeezo yakunyama. Pele Joshua, mukuziba obo ayo malambo mbwa kajisi ntuli mpati, nkaambo wa kayaka malambo manji kumusanza mu Egepita. Wa kalizi simenti wakali muli ngawo, mbwa kajisi maningi, kukujatilila muzundano wa nkalaki atala, alimwi naaba maanza akayakwa aatala ali ngawo. Pele ta kayaamina kukumvwisya kwakwe mwini. Wa kasyoma eco Leza nca kaamba kuti cakali ca bwini, a kuswiilila Ijwi Lyakwe, nkabela malambo akawida ansi. Kuta yaamini kukumvwisya kwakwe mwini.

¹⁴⁹ Ino kuti wakali kulwana nkondo eyo, nkabela, mbuli Mbwe kali kukambauka Munsondo, elyo mpaowo zuba lyakali kubbila, basinkondo baka dadulwa... Obo busiku bakali kunga baswaangana alimwi ba kali kunga basika a nguzu zimbi, kujaya bantu bakwe banji. Lino ino kuti na kaamba kuti, “Ndi yandikana mumuni wasikati. Nde elede kujana mumuni munji wazuba. Ee, lino lindila anii. Leza wakabikka eci mu ncililano, alimwi zuba lila zunguluka a inyika ila zunguluka. Lino atu bone, ikuti na Nda ambila zuba kwiiimikila... Ndiza ikuti inyika yaimikla ino, mpaowo ila swekelwa nguzu zikwelela kunyika, Ndiyo wa”?

¹⁵⁰ Ta kaswiilila kumvwisya kwakwe. Cintu biyo wa kati, ncakuti, “Zuba, koima nji; alimwi, mweezi, kokkala awo mpobede,” nkabela wa kamu swiilila. Ta kayaamina kukumvwisya kwakwe mwini. Pele wa kayaamina ku cisymezyo ca Leza, “Nda mupa nyika eyo; kamuya mu kaitole.”

¹⁵¹ Wa kamupa cisymezyo ca Muuya Uusalala. Inga mwa Ci tambula mu muswaangano wabaiminizi. Inga wa Ci tambula lino.

¹⁵² Muta yaamini, “Nywebo mulizi, Nda katala. Nda mwaambila, Ndila lya cisusulo maningi. Nda—Nda—Nda bijilwa kuli John kundi bona kucita ceeci.” Oh, nkambo ka bubotu! Yebo uyaamina kukumvwisya kwako omwini.

¹⁵³ “I cisymezyo cili kuli ndinywe, aku bazukulu banu, kuli baabo bali kulaale, nobaba boonse Mwami Leza wesu bayo ita.”

¹⁵⁴ “I dokotela wakati Ndi yoofwa. Wa kandilangalanga, nkabela wakati Nda kajisi kkulenge eli, Nda ka jisi eci, na kufumbwa mbo cakabede. Nde elede kufwa.” Uta yaamini kukumvwisya oko. Leza ngu Mwami Leza Oyo uponya malwazi ako oonse. Aboobo uta yaamini kukumvwisya oko, taakwe kumvwisya kwa muntu. Yaamina kukumvwisya kwa Leza.

¹⁵⁵ Ino kuli Samusoni, okuya mu muunda cindi ba Filisti, baalumi bali cuulu niba kamuzuzila kutala? Elyo mpaawo wa kaliimvwi okuya, mukompami, muniini, wa masusu avungene kumutwe, uutandila *oko* kulampa. Ta kacita, ee, ta kali simaceba, nkaambo ta kaazi; ta kajisi kwiiya kumwi, kwiiya kwa mu mpi. Wa kali mukompami buyo muniini mupati wamasusu

avungene kumutwe, mbuli, a zikuti zili ciloba kazilengelela, mulombe wabanyina, kaimvwi okuya, elyo mpaawa kwakasika ba Filisti bali cuulu. Ee, ta kajisi cintu mu janza lyakwe. Wa kalanga ansi, nkabela wa kajana cifuwa, camweebo cituba, cakatubuluka ca kambongolo, nkabela waka cibbweza.

¹⁵⁶ Lino wakati, “Atu bone, lino, Nse kocita kunji kubelesya *ceeci*, nkaambo mahelometi ku mitwe yabo ali... Ba Filisti, boonsi basilumamba, boonse bali jisi masumo. Boonse bali jisi zikobela zyakuli kwabilizya. Alimwi mahelometi abo alema kutandila mapaundi ali kkumi aosoanwe yomwe, baalumi bapati ncobeni, boonse kumasena. Ee, ikuti na Nda kasola kuuma kubelesya eci cifuwa cakaindi cipandauka buyo ica kambongolo, ali amwi mahelometi, baa, inga catyokauka mu tubeela. Ncecico na?”

¹⁵⁷ Ta kayaamina kukumvvisya kwakwe. Wa kabweza buyo eco cakali mu janza lyakwe, akutalika kuuma ba Filisti. Elyo nakamana kubazunda bali cuulu, wa kacili cijisi cifuwa camweebo mu janza lyakwe. Ameni.

¹⁵⁸ Ta ndikwe makani olo lwiiyo lwabukombi lwa muntu mbo lwaamba, uta yaamini kuli ceeco. Koyaamina ku Ijwi lya Leza, “Jesu Kristo mbubuca nguwenya, sunu, amuya myaaka.” Nincobeni, wa ka cisyma.

¹⁵⁹ Ino kuti Davida naka swiilila Samus-...lwiiyo lwabukombi lwa Saulo? Mpaawo Goliati wakaliimvwi abusena awo a kulikankaizya kwakwe kupati, nkabela boonse bakali yoowede; Saulo, mutwe a makuko atala a mpi yoonse. Goliati wakati, “Muntuumwi wayutuke andi lwane. Ta kuyandikani wa—wa ndiswe toonse kufwa. Ikuti na Nda kujaya, nkokuti yoonse moyo tubelekela. Alimwi ikuti na wandi jaya, baa, tuyu mubelekela,” nkaambo wa kajisi coolwe kwinda nguwe. Eyo nje nzila dyabolosi njayanda kucita, cindi ano jisi seminari yakwe yoonse kubusena, a boonse babo, cindi na boola ambali, mwabona.

¹⁶⁰ Davida muubauba wakale kendeenda okuya, kalivumbi cikutu cambelele; mulombwana muubauba ugalankene, waziwezo zidiimene, kutandila kulema mapaundi ali mwaanda, mwaanda a kkumi. Wa kati, “Sena mu ndambila kuti impi zya Leza muumi, zya kapalulwa ku cipangano, ziyo ima okuya akulekela oyo Mufilisti uuta palwidwe kasampaula impi zya Leza muumi?”

¹⁶¹ Saulo wakati, “Boola okuno, mulombe.” Wa kati, “Ndila botelwa camba cako, pele mazuba a maleele aka mana. Ta tujisi cintu muli ceeco, wabona. Alimwi andi kwaambile cintucimwi, ino ujisi kkadi nzi lya luswaanano ndo konzya kutondezya, wabona? To jisi noziba zilwanyo. To jisi cintu cita nkwilipo mu janza lyako. Wabona? To jisi Ph.D. na LL.D. Mbobuti mboya kucita ceeci? Baa, oyo muntu ngu silumamba. Baa, uli—uli jisi D.D., ba L bobilo, Ph.D., LL.Q. Baa, walo ujisi madigrii manji

loko, ula konzya kuzuza bwaanda kubelesya ngawo. Alimwi nduweni? I mweembezi wa butanga.”

¹⁶² Wa kati, “Pele Ndi yanda kukwaambila cintucimwi.” Wa kati, “Uli zyi cintu na?” Kati, “Nda kali kweembela mbelele zya taata kubusena okuya, alimwi,” wakati, “mulavu akanjila a kukwempa imwi yazyo, aku cijila kumwi. Elyo ulizi, Nda kabweza eyi nkwilipo niini akumutobela, a ku muumina ansi. Nda kabweza i—i kabelele kuzwa ku mulomo wakwe, nkabela wa kabuka kundilwana cindi Ne kacita. Nda kabweza buyo cifulo a kumu jaya.” Kati, “Nda kapiluka. Elyo mpaawa kwakanjila masekese, kutobela mbelele eyo, akwii kwempa a kucijila kumwi. Nda kamujaya, awalo.” Wa kati, “Lino Leza... Kutali yangu Ph.D., kutali kumvwisya kwangu. Nda konzya kukwaambila nzila Mbwe cicita. Ta ndizi mbo cicita. Pele Leza,” ameni, “Leza waka kandi vuna kuzwa ku maala aa masekese a mulavu, nkunji buti Nkwaya kundi vuna kuzwa ku janza lya oyo Mufilisti uutapalwidwe!”

¹⁶³ Ii bbishopo, Saulo, wakati, “Yebo ulizi, Ndila syoma kuti ujisi kwiipta, mulombe. Nda kwaambila, ikuti wa boola kookuno, Njo iya nzila ya kulwanya zibelesyo, wabona. Alimwi Njo kwaambila, Ndili—Ndili mwiyi, aboobo kosama zilwanyo zyangu. Ndi yanda kukusamika konse.” Davida wakaima awo, nkabela ba kamupa Ph.D., LL.D., a zyoonse ezyo elyo—elyo mulambwana muubauba uutakweankwaya takakonzya akwalo kuputa. Ta kazi nzila.

¹⁶⁴ Wa kati, “Nsena cisola eci. Eco cibaki cabupaizi tacindeeeli. Amu cigosye cintu. Andu unke acintu Leza ncaka ndigwasizya.” Olo lwakali lusyomo mu nguzu zya Leza. Elyo ta—taa kayaamina kukumvwisya kwakwe. Ta kayaamina kuli ceeco muntuumwi umbi nca kaamba. Wa kayaamina ku lusyomo. Nkaambo, wa kali kuti Leza waka muvuna kuzwa ku mala aa masekese, nkunji buti Nkwaya kumuvuna kuzwa ku Mufilisti oyo!

¹⁶⁵ Ee, ikuti na Leza waka kuyanda loko ku kugusya ku cibi a ku kuzuza Muuya Uusalala, ino ndi penzi nzi nywebo nobakompami macete batakwe boongola mu cisi coonse, sa Ta komuvuna loko kuzwa ku mapenzi anu kakuli Wa kasyomezya kuti Uyo cicita? Ijwi lya Leza lya kaamba obo. Uyo cicita. Masimpe, Wa kamuvuna kuzwa ku janza.

¹⁶⁶ Oh, umwi aumwi wa basinsimi, ino kuti naka yaamina kukumvwisya kwakwe mu bukkalo bwakwe? Ni bata keenda kumbele lya bapaizi a bapaizi bapati, a kubaita kuti “malambo matubye” a zintuzyonze zimbi. Ni bata kasinsima bwiimpene kuli mbabo. Ni bakaba mbuli bamwi babo basinsimi basunu, banga bazumina, kasama zisami zibotu, alimwi bakali mu mapalesi a bami.

¹⁶⁷ Ino kuti Johane nakasola kuyaamina kukumvwisya kwakwe mwini? Pele wa keenda nkoonya kumbele.

¹⁶⁸ Ba kati, "Lino, lindila aniini, Johane uta kambauki aa *Lukwatano A Kulekana.*"

¹⁶⁹ Wa keenda nkoonya kumbele lya busena bwa Heroda, elyo wa kati, "Takuli mu mulao uli ndiwe kumu kwata." Iiyi, munene.

Kwaamba, "Ee, uli muzi obo kuti nguni? Oko nku proc- . . ."

"Ta ndikwe makano na nguni." Ta kayaamina.

¹⁷⁰ Kati, "Lino uli kuti to jisi kunji. Uli kunselelo omuno ku nkanda eyi. I sangano tai kakutambuli, ikuti uya bulilemeka boobo." Ta kajisi ndaba kujatikizya nsangano imwi. Ta kayaamina kukumvwisya kwakwe mwini, ple kukumvwisya kwa Leza. Masimpe.

¹⁷¹ Kwakali muntu umwi wka yaamina kukumvwisya kwakwe mwini, a zina lyakwe wakali Judasi Isikarioti. Oh, wa . . . Ta—Ta ndiboni nzila mbwa kakonzya kucicita. Wa keenda busyu ku busyu a Kristo, mbuli buyo Eva mbwa kacita ku matalikilo. Wa kali bwene kusimpikizigwa, wa kalanga Leza ku busyu, mbuli Eva mbwa kacita mu kutontola kwa mangolezya. Eva waka mulanga Kristo, mukutontola kwa mangolezya, mu muunda. Alimwi Judasi waka kkala mukutontola kwa mangolezya mu muunda wa Gesemani a masena manji, a kulanga Kristo nguwenya; waka Mu vwa kayiisya, kalitondezya Mwini ku Ijwi, kasimpikizigwa kuba Musinsimi oyo Musa ngwa kakanana kuti uyo buka. A kubaambilia mu Lugwalo kuti Wa kali Ni, a koonse kujatikizya ncico. Ba ka cibona ka citondezegwa aa Leza, kuti Wa kali nguwe, alimwi mpawo wa kayaamina kukumvwisya kwakwe mwini. Humu!

¹⁷² Mbobuto mbwa kakonzya kucicita? Kakali kaambo taa kacibona *awa*, mu busena butaanzi. Taakali mbuto yakamena. Wa kali mwana wa lunyonyooko, wa kazyalwa ku lunyonyooko, kapilukila ku lunyonyooko. Lino twa ziba. Pele wa kawa, alimwi ndiza wa kajisi muzeezo wa kumvwisya kwakwe. Kwayanda wakayeeya kuti Jesu . . . Wa kali jisi bulemu maningi kuli Nguwe, "lino, nywebo mulizi, antela Ndi Mu sambale ku nsiliva zili makumi otatwe. Elyo ikuti na Nda cita, Njo oba a mali, nkabela Nda konzya kucita cintucimwi angawo. Elyo Ula konzya kulivuna Mwini." Mwabona, ta kazi, mu Lugwalo, kuti wa kabsigwa kutola busena obo mbunbonya.

¹⁷³ Alimwi abalo bantu taba citi asuuunu kuziba ciimo mobabede. Kwakasalilwa mbungano eyi ya Laodikeya kuba mu ciimo eci, kubikka Kristo aanze. Alimwi Ula konkomona, kusola kupilukila mukati. [Mukwesu Branham wakonkomona aa cikambaukilo—Mul.] Taakwe kubelekela amwi kulikonse, nekuba. Kusimpikizya Ijwi Lyakwe mu buzuba lino, mbuli Mbwa kacita mazuba oonse, nkabela bala tantamuka kuzwa kuli ncico. Kuyaamina kukumvwisya kwabo beni, kuti—kuti nku koonse kuliko kuli ncico.

¹⁷⁴ Na, ndiza, andaambe eci, kuteeti—kuteeti wa kayeeya, ndiza, ikuti naka sambala Kristo ku nsiliva zili makumi otatwe, baa, kuti nakaba a ii—ii luswaanano a tumwi tubungwe tupati twa buzuba obo, Bafarisi a Basaduki. Na kati, “Lino lindila, Ula konzya kulimamela Mwini. Nda ka Mu bona mu nkondo zinji; Ndi—Ndi lizi kuti—kuti Ula konzya kulimamela Mwini. Aboobo kwanda Njo bweza mali amwi, abaanga ii—ii ngu litayamenti niini, mbuli mbo kwakabede. Elyo mpawo, kwayanda Nda jana kuba akwiima kupati a mambungano aya asunu, ikuti na Nda Mwa aba kuli mbabo.” Mwabona? Pele wa kayaamina kukumvwisya kwakwe mwini, mubusena bwa kumvwisya kuto Eelyo lyakali Ijwi lya Leza lyaka simpikizigwa, nkabela wa kacita kuli Jesu eco ncoonya Magwalo nca kaamba kuti uyo cita.

¹⁷⁵ Alimwi sunu, mbungano ya nyika yatanda Kristo, mu mazuba aya akumamanino, mbubonya buyo Bbuku lya Ciyubunuzyo mbo lyaamba kuti bayo cicita. Walo muuya wa Judasi alubo, mu ciwa ca mbungano, “Kuba ciwa ca bukombi, pele kukakak Ijwi.” Mwabona? Mbo mbubo. Lino, oh, ma, ino caka janika kuba nzi? Lufu, mbuli buyo mbo cakacitila Eva. Alimwi cilacita kuli boonse bambi basola kusandusandula Ijwi lya Leza akuyaamina kukumvwisya kwabo beni. Nekuba lino bala sambala, kutali nsiliva zili makumi otatwe, pele ndiza kuba, oh, silutwe umwi mupati, luzibo lumwu lwaku seminar. Nikwaata ulwa akwalo nsiliva zili makumi otatwe, pele bala cisambala, nikubaboo; kusambala kumvwisya kwabo ikwa Leza, kumasena, ku cintu cili mbuli eco.

¹⁷⁶ Mbo kwiindene kuzwa ku Musalali mupati Paulo waka yiide, oyo waka jisi luzubo loonse ndwakali kukonzya kulikankaizya. Pele wa kati, “Nda kasowa cintu coonse, ca kubuzyabuzya kwa, ansi. Nda kaswaana Musumpululu wa Mulilo buzuba bumwi, mu mugwagwa uselemukila ku Damasiko.” Elyo wa kati, “Nse kaboola kui ndinywe a bukanazi buboto loko, nkaambo, ikuti na Nda kacita, ni mwaka syoma mu busongo bwa muntu. Pele Nda koola kuli ndinywe mu nguzu a kutondezegwa kwa Muuya Uusalala, kutegwa mu kayaamine ku Ijwi lya Leza.” Ameni. Kati, “Ikuti na Angelo uuzwaku Julu wasika, kakambauka cintu cimwi cimbi, abe mutuke,” Bagalatia 1:8. Mbo mbubo. Peepe, munene. Ta kacita.

¹⁷⁷ I mwanakazi muniini ku mukalo, waa kali sibwamu. Pele, waa kalizi kuti mambungano aka mutanda elyo, pele ta kayaamina kukumvwisya kwakwe mwini, cindi na kaswaana Umwi oyo ku mukalo, Walo waka mwaambila zibi zyakwe zyoonse nzya kacitide, waa kazuzila mu munzi. Lino, tii caka luleme ku mwanakazi kucita ceco, kuya mukati a kwaamba cili conse, nkaambo waa kali muvuule. Pele cindi na kaswaana Jesu, ta kayaamina kukumvwisya kwa bantu, bazuba ayo. Waa kaboola, akuti, “Amuboole, mubone Muntu Oyo wandaambila

zintu Nze kacita. Sena oyu tali ngo Mesiya nconzyo?” Ta kayaamina kukumvwisya kwakwe. Peepe.

¹⁷⁸ I nakalindu Mariya, cindi Angelo Gabriyeli naka muswaana aku mwaambila kuti wakali kuyo mita muvwanda, kakutakwe kuziba mwaalumi. Fyuu! Ta kunaba. Ta kayaamina aa kumvwisya kwakwe mwini, kuti mwanakazi watakali kukonzya kuba a muvwanda kwakutakwe kuba a ii—ii mullumi. Ta kayaamina ali ceeco. Pele waa kati, “Bona muzike musimbi wa Mwami, akube kuli ndime kweendelana ku Ijwi Lyako.” Ta kati, “Mbobuti mbo Ndiyo cicita? Elyo cindi nzi Nceyo cicita? Alimwi mbobuti eci mbociya kucitika coonse?”

¹⁷⁹ I Angelo wakati, “I Muuya Uusalala kuyo kuvunikila; nkabele eco Cintu Cisalala ciyo zyalwa kuli nduwe ciya kutegwa Mwana wa Leza.”

¹⁸⁰ Waa kati, “Bona muzikemusimbi wa Mwami.” Ta kabweza kubuzyabuzya kwakwe, kuti tii cakali kukonzeka kucitwa. Waa kaamba buyo kuti, “Bona muzikemusimbi wa Mwami.” Mbo mbubo. Amuzibe.

¹⁸¹ I—i mwanakzi waka jisi cilwazi cakuzwa bulowa, dokotela waka mwaambila, kuti, “Takukwe bulangizi.” Waa kabelesya mbono zyakwe zyoonse, ku basilisi, nkabela taakwe omwe wakakonzya ku kugwasya. Alimwi taakwe naka yaamina kuli ceeco. Cindi Jesu...Waa keenda mu bbunga, alimwi waa kati “Ndila syomakuti na Nda guma ezyo zikobela ya Mwaalumi, Njooba kabotu.” Waa kainka kubusena.

¹⁸² “Lino lindila, dokotela wakati, ‘To konzyi kuba kabotu.’” Wa kali cijisi cilwazi eci ca bulowa kwa myaka a myaka. Waa kali kuya bukompama ciindi coonse, a kwiindila kubija. I bamadokotela baka mulanzabyo meso. Oko nkokumvwisya nkoba kajisi.

¹⁸³ Pele waa kati, ku lusyomo! Takukwe Lugwalo lumwaambila kucita ceeco. Pele waa kati, “Ikuti na Nda konzya kuguma boombe wa cikobela Cakwe, Njooba kabotu,” nkabela waa kasobelela kunze aku Mu guma. Wa kajokela, akukkala ansi.

¹⁸⁴ Jesu wakanyona a kuti, “Nguni wa Ndi guma?” Kalanga koonse mane Wa kamujana. Wa ka mwaambila zya cilwazi cakwe ca bulowa.

¹⁸⁵ Elyo waa kalimvwa ku kaindi ako, mu mubili wakwe mwini. Ta kakonzya kucitondezya mpawo, pele waa kalimvwa mu mubili wakwe mwini kuti eco cilwazi cakuzwa bulowa cakaleka. Ta kabuzya buzya, “Ikuti na dokotela waka mulanga buyo, mbobuti cimwi cimbo mbo cikonzya ku mugwasya?” Ta kainka kukubuzya, pele waa kainka ku lusyomo.

¹⁸⁶ Lino, Bbaibbele lyakati, “Oyo Walo Mupaizi Mupati, asunu, uukonzya kugumwa kwinda kulimvwa kwa kulengauka kwesu.” Mbo mbubo? [Mbunga yaamba, “Ameni.”—Mul.]

Uta unki kukubuzya, kwaamba kuti, “Oh, eco . . .”

Wa kati, “Sunu Uli boobo. Walo Mupaizi Mupati ndyoonya lino ukonzya kugumwa kwinda kukulimvwa kwa kulengauka kwesu. Imbobuca nguwenya, sunu, amuya myaaka!”

¹⁸⁷ Ino muyeeya buti cindi Ne kali okuya mbuli mukambausyi wa Baptisti, alimwi oyo Angelo wa Mwami waka ndiswaana okuya a kundi tuma kucita cecci Nceli mukucita? Baa, mweembeli wangu wakati, “Wa sondoka. Baa, wa kajisi kucitikilwa kuyoosya, yebo.”

Nda kati, “Yebo ncibotu watola kkadi lyangu lya luswaanano ndyoonya lino.”

¹⁸⁸ Lino, wa kati, “Inga wacita buti, notakwe lwiiyo noluba lwa ku cikolo lwa kwaamba kabotu zisyobo, kukambauka ku inyika yoonse? Inga wakombela buti bami abaleli, nkabela yebo—yebo—yebo tokonzyi akwalo kubelesya bwaambe bwa cisyobo kabotu?”

¹⁸⁹ Nse kali kusyoma mu bwaambe bwangu bwa cisyobo. Nse kali kusyoma mu nguzi zimwi Nze kajisi. Nda katumwa. Aleluya! Elyo Nse kainka ku kubuzya. Ikuti Ne kainka kuwiilila kubuzya, antela nikwakali bantu bali zyuulu bakafwa, myaka yakainda. Pele Nda kayumuna Mulumbe mbubonya Mbwa kaamba, kuzunguluka a kuzunguluka inyika.

¹⁹⁰ Alimwi Ndiyo unka alubo, ku luzyalo lwa Leza; kutali kukubuzya, pele ku kutumwa. Aleluya! Nse kayaamina . . . Yebo wati, “Uli myaka ii makumi osanwe ayosanwe yakukomena.” Ikuti ni Nda makumi alifuka aosanwe, eco ta caambi cintu. Ucili Leza nguwenya Oyo wakali antoomwe a Abrahamu. Iiyi, munene. Uta yaamini kukumvwisya kwako omwini.

¹⁹¹ Elyo citondezyo nicakamana kuyutuka, a Jwi lya katobela, a mambungano aakatalika kundikakak a kujala milyango yabo, nkambo ka Njiisy, kuti kufumbwa wabo wata kajisi camba ca kwiima kumbele lyangu kwaamba kuli Li luzi na kulubila. Nda zundikizya naba omwe wabo. Uh-huh. Kutali kuba musongo, pele Ndi lizi Mpe bede. Mbo mbubo. Ncinzi ncoba kacita? Ncinzi ncoba kacita? Ba kajala milyango yoonse. “Lino ncinzi ncoya kucita?”

¹⁹² Ibuzuba bumwi, atala lya mulundu, Nda kaliimvvi alya. Nda kati, “Mwami, Ndi jisi mulyango omwe ujukide mu cisi coonse, kuciimo Mbwe yeeya, ngu Phoenix, Arizona.” Uli oliske biyo Ngwe jisi. Elyo Nda katalika kuseluka kuzwa ku mulundu. Cantangalala buyo mbuli Mbwe kasola kumvwa umwi kukanana, kati, “Ino eco ncinzi kuli nduwe? Ko Ndi tobela.” Mpawo, kutala ku kumvwisya kwangu. Njo yaamina ku cisymezyo Cakwe.

¹⁹³ Oho, mweenzuma, uta yaamini ku kubuzya. Mpawo koopolola, antomwe a Eddie Perronet wakale:

Boonse amulemeke nguzu zya Zina lya Jesu!
 Balekwe Baangelo bakwe cakufugama;
 Kuleta musyini uujisi ngale iyabwami,
 Aku Mu samika musyini Mwami wa boonse;
 (Huh!)
 Ku Mu samika musyini Mwami wa boonse.

¹⁹⁴ Mbo mbubo. Uta yaamini ali ceeco ncoyeeya, eco muntuumwi umbi cayeeya. Ku lusyoma kozumina cisyomezyo ca Leza. Sa ula cicita? Lino, tacili kuti naa muntuumwi umbi nca kacita, naa tiba kacicita, pele eco cijatikizya nduwe na? Ino ula cita buti oyu Jesu uutegwa Kristo, oyo uliyubununa Mwini mu buzuba obuno, mbubonya Mbwa kacita ku buzuba obo? Sena mula Mu syoma? [Mbunga yaamba, “Ameni.”—Mul.]

Atu kombe.

¹⁹⁵ Mwami Jesu, Mwaami wa baami, Mwami wa bami, Leza wa baleza, Leza wa baleli boonse; Mutaanzi, Mamanino; Alufa, Omega; Matalikilo a Magolelo; Nyenyezi Imweka yaku Bucedo, Duba lya Saloni, Mpana yaku Kkuti, Muyanda a Cisyuukila ca Davida; boola, Mwami Leza, mbobuca nguwenya, sunu, amuya myaka!

¹⁹⁶ Longezya eli bbunga lya bantu, Mwami. Oku...[Kabeela katakwecintu aa teepu—Mul.] nkulibambilia buyo kutilika kwa juunza. Twa kajisi muswaangano muniini okuno, nkabela Wa katu longezya muli nguwo. Wa kaliyubununa Omwini kuli ndiswe. Nda lomba, Leza, kuti Uyo zumanana kuli yubununa Omwini kuli ndiswe. Tu longezye sunumasiku. Kotu gwasya lino. Tuli bantu babulide.

¹⁹⁷ Alimwi, Mwami, Yebo ulizi kuti Nse yandi kubwekela bantu, pele mbobuti Mbwe konzya kutontozya kupya oko kusalala? Nse botelwi kucita ceeco, Mwami. Uli buzi buumi bwangu, amoyo wangu. Nde elede kucicita. Elyo Nda lomba, Leza, kuti Uyo ndigwasya kucicita. Kondipa buyo luzyalo, alimwi uta ndilekeli kuyaamina kukumvwisya kangu, pele ndilekele kuyaamina aa cisyomezyo Cako. Mu Zina lya Jesu. Ameni.

¹⁹⁸ Ndi yanda, yoonse, kubatama loko kwa maminiti buyo masyoonto. Mu bbunga eli lya bantu, kuli baalumi a banakazi bakkede awa, kwiina kuzumbauzya, abo bacisidwe. Mbangaye bacisidwe a bapengede omuno? Nyamuna janza lyako mujulu. Koamba buyo kuti, “Ndi jisi kubula kwa Leza.” Nyamuna buyo janza lyako mujulu ndyoonya lino, “Ndi jisi kubula kwa Leza.”

¹⁹⁹ Lino, Ta ndizi bantu banji bbaningi. Ndi bazi aba balombe bakkede mpoonya awa. Ndili bazi Ba. Dauch a bakaintu babo bakkede alya. Ndi yeeya kuti, Ndi yeeya kuti oyu Mucizi Moore. Nseli masimpe. Sa mbo mbubo, Mucizi Moore? Anze lya ceeco, Ndi yeeya kuti cila cita, na, ku Mukwesu Mike aa cibumbili. Oko nku koonse Nkwe bona oko Nkwe zyi.

²⁰⁰ Pele Taata Wakujulu Oyo waka syomezya, alimwi mu buzuba obuno kuti Uyo lisimpikizya Mwini mu bukkalo obuno, munzila njionya buyo Nja kacita ku Sodoma. Sena Wa ka cisyomezya? [Mbunga yaamba, “Ameni.”—Mul.] Kuliyubulula Mwini! Sena mula syoma obo? [“Ameni.”]

²⁰¹ Lino ikuti na mula paila, a ku lusyomo! Lino, uta soli kubuya kuti, “Mbobuti Mbwe konzya ku Mu guma mbuli Mupaizi Mupati?”

²⁰² Lino, Bbaibbele lyakati, Cizuminano Cipywa, “Walo Mupaizi Mupati ndyoonya lino. Ula zumanana kuba Mupaizi Mupati kutobela macililanwa aa Melekesedeki. Walo ngo Mupaizi Mupati walyonse. Takukwe umbi Mupaizi Mupati pele Nguwe. Taakwe umbi sikwiimakati ka Leza a bantu, cita Muntu Kristo.” Mbo mbubo. Ngo Umwi alikke, alimwi Ngu mbobuca nguwenya, sunu, amuya myaaka.

²⁰³ Lino, ikuti na Ucili mbubonya Mupaizi Mupati, nkabela Bbaibbele lyakati, “Tula konzya ku Mu guma kwinda kukulimvwa kwa kulengauka kwesu,” mbuli oyo mwanaakazi mbwa kacita kuuma cikobela Cakwe, lusyomo lwako lula konzya ku Mu guma alimwi Uyo cita nzila njionya, mu mubili wabantu, mbuli Mbwa kacita cindi Na kali mu mubili wabantu okuya ku-ku mubanga wa Abrahamu. Sena mula syoma obo? [Mbunga yaamba, “Ameni.”—Mul.] Wa kasyomezya kuti Uyo cicita. Lino komba buyo, kufumbwa oyo ujisi kubula. Elyo Ndi—Ndi . . .

²⁰⁴ Kuli mbuli Mbwe amba, cipego tacili cintucimwi cili mbuli kubweza cifulo, elyo ikuti na uyanda kutenda *eci* kubelesya njiyo, inga wa citenda, na wa tenda *eci*, inga wa ci tenda, na kufumbwa nco yanda. Eco tacili cipego ca Leza. Mwabona? Peepe.

²⁰⁵ Ii cipego ca Leza ninzila imwi njoede kuli gusya mu nzila lwako. Elyo zipego a kwiitwa zyakakanzwaa aa Leza. “Zipego a kwiitwa azyalo tazibooli ku kweempwa.” Wa kazyalwa a ncico. Ii giya niini njoli kwela omwini okuya mukati, pele tokonzyi kulyata aa cipedulo. Mwabona? Leza weeleda ku ceenzya. We elede kulisusya omwonni kuzwa munzila.

²⁰⁶ Lusyomo lwako inga lwa cibelesya, kutali lwangu; lwako. Lwangu lucigusya buyo mu nzila. Ula syoma a moyo wako oonse kuti Jesu Kristo ulapona sunu.

²⁰⁷ Uta yaamini kukumvwisya kwako omwini, yebo wati, “Ee, lino langa, Ndi—Ndili mu ciimo eibyaabi, mukwesu. Ta ndizi. Nda kali mu whiluceya eli. Nda kali . . .”

²⁰⁸ Ta ndikwe makani obo mbo kabede, akubona na Leza taka seluki a kucita mbubonya Mbwa kacita cindi Na kali waano aa nyika mu mubili wakunyama. Uyo cicita mu mubili wako, mu mubili wangu, antoomwe mbuli bomwe kbasyoma muli Nguwe. Uyo cicita nkaambo Wa kasyomezya kuti Uyo cicita.

²⁰⁹ Lino, uta yaamini kuli ceeco muntuumwi ncaamba kuti, “Oh, oko—oko nkwalwiiyo lwa kukwabana mizeezo,” bayo Ci ita obo. Kaamba kuti Jesu wakali cintu nciconya. Ba kati Wa kali musondi, “dyabulosi.” Pele Wa kali Mwana wa Leza, nkaambo Wa kali kweendelana ku Ijwi lya Leza lyaka syomezegwa.

²¹⁰ Lino, mbuli Mbwe kaamba, masena esu—esu, ta tweelede kuba aboobo, kuboala atala a kubikka maanza aa bantu. Twa kabikka maanza ali mbabo masiku ainda. Pele cintu cilikke ncoelede kuba aco ndusyomo, alimwi mpawo kotweluka. Ku lusyomo ula cizumina, ku lusyomo. Kutali—kutali kuli cintu cili conse eco...

Utaambi kuti, “Ee, lino mbobuti mbo cikonzya kucitwa?”

²¹¹ IKuti na Nda konzya kukwaambila mbo cicitwa, nkokuti talu cinooli lusyomo limbi. Ta ndzi mbo cicitwa. Ta ndizi, pele Ndila cisyoma. Ta—Ta ndizi nzila—nzila Leza mbwa futula sizibi, pele Ula cicita. Ta ndizi nzila Leza mbwa cita cimwi ca zintu ezyo, pele Nda cizumina. Ula, Uala cicita, nkabela eyo nije nzila. Nkaambo, Nse konzyi kicipandulula. Lino, ee, Ndi... Ta cika pandululwi. Taakwe umwi uukonzya. Nkaambo, ikuti na ula cita, nkokuti talu cili lusyomo.

²¹² Ta ndizi obo Leza a Kristo mbo bakonzya kuba Muntu omwe, pele Bali boobo. Lugwalo lulaamba. Ee, to konzyi kicipandulula, pele, Bali boobo. “Taata Wangu uli muli Ndime. Ta ndili Ndime ucita milimo; ngu Taata Wangu uli muli Ndime. Ikuti na Nse citi milimo Yakwe, nkokuti kutondezya kuti ta Ndili Wakwe. Pele ikuti na Ndi cita mulimo Yakwe, nkokuti Ula lilungulula Mwini kuti Ndili Wakwe.”

²¹³ Ee, ncintu nciconya lini, cintu nciconya ncobeni. Ngu mbobuca nguwenya, sunu, amuya myaaka, ikuti na muyo syoma.

²¹⁴ Lino, kuli mwaalumi uukkede mpoonya awa kumbele lyangu, ujisi masusu asiya. Uujsi watci aa koboko kwakwe; nsuuti isiya. Usamide magilazi. Ikuti na walanga mpoonya awa, ula mubona, uli kkede a mweso akwe kajalidwe, kapaila. Ta ndimuzi oyo mwaalumi. I Taata Wakujulu uli zyi kuti Nse muzi. Pele Ndila mulanga buyo kwa kaindi kaniini, nkaambo uboneka kuti uli sinizizye-loko, uukkede alya. Kuzwida ciindi ni Nda amba, mwaalumi wajala buyo meso akwe akatalika kupaila. I mwaalumi mweenzu kuli ndime, nkuti, ku maanza angu. Nse muzi pe. Leza uli muzi oyo mwaalumi, alimwi Ula konzya kuyubununa kuli ndime. Ikuti na eco cisymezyo nca kasimpe mu Bbaibbele, Ula konzya kundi yubunwida cintu mwaalumi nca fwinyina meso akwe, alimwi cintu nca pailila. Sena mula syoma obo? [Mbunga yaamba, “Ameni.”—Mul.]

²¹⁵ Sena ula cisyoma, munene? Ikuti na wajula meso ako, uli kkede mpoonya awa, langa mpoonya awa. Sena mula syoma obo? Ncibotu. Lino, uli zyi kuti Nse kuzi. Tuli beenzu kuli umwi aumwi. Pele Leza uli kuzi. Lino wa taika kulila, koomoka.

Nkaambo, Nda konzya ku mwaambila lino kuti Leza uyo ingula kulomba kwakwe, mwabona, nkaambo eco nce camujata nguzu calino ncobeni, oyo Mumuni, kuzwa ku mudima, cinca kuba Mumuni. Mwabona?

²¹⁶ Lino, mwaalumi, upailila muntuumwi umbi, nkabela oyo mulombe oyu muniini uukkede awa munsi lyakwe. Oyo mwana wakwe. Mbo mbubo. Lino, oyo mulombe muniini uciswa ii—ii konyongana mwida, akwalo kuli cintucimwi cilubide ku matumbo akwe. Mbo mbubo. Mbo mbubo.

²¹⁷ Taba zwi kookuno. To zwi ku Arizona. Yebo uzwa ku California. Yaa. Alimwi uli mukutausi, alimwi luswaanano lwako ndwa Assemblisi ya Leza. Obo mbwini. Muf. McKeig ndi zina lyako, na, Muf. Keig, mbo mbubo. Sa mbwini? Vukauzya maanza ako mbuli *obu*. Lino mulombe wako muniini uyooba kabotu. Wabona? Lusyomo lwako!

²¹⁸ Lino niinzi? Lino kuli mwaalumi wanyamuna maanza akwe, ta ndizi pe, Ta ndimuzi. Pele cakali cinzi? Wa guma Mupaizi Mupati. Lino, mwabona, ta yaamina kukumwisya kwakwe mwini. Lino ncinzi ceelede kucita, ncinzi nca cita lino? We elede kusyoma kuti caaambwa kuli nguwe, nca bwini, nkaambo ulizi kuti ta ndizi mebo. Mbo mbubo.

²¹⁹ Mpaawa, mpaawa kukkanke mwanakazi mpoonya anselelo awa kumbele lyangu, akwalo, ukotamikide mutwe wakwe ansi. Walo uciswa kkulenge. Alimwi uzwa ku California. Ndi syoma kuti takoiimpya eci. Muka Adams. Eelyo nde zina lyakwe. Nsenya mubwene mu buumi bwangu. Inzya, obo mbwini.

²²⁰ Ngooyo mulindu uukkede nkoonya kusule *okuno*. Nse konzyi biya kubikka angu...kutondeka buyo kuli nguwe, pele Nda bona Mumuni kaulengelela atala lyakwe. Uli mu penzi lisakene. Ujisi penzi ku nsingo yakwe, ku cintu comwe. Aimwi cintu cimbi, walo—walo ujisi ii—ii mapenzi akumuuya, kulibilika kula mupenzya. Alimwi ujisi penzi lya kung'anda; mwana wakwe musimbi wakzwaa kucija. Mbo mbubo. Obo mbwini, tabuli boobo? Walo unyamwide janza lyakwe. Muka. Miller. Mbo mbubo. Ula syoma? Leza ula mupilusya, kuponya mubili wako. Lino, Nsenya mubwene mu buumi bwangu. Walo uli, cakumaninina, mweenzu nconzyo.

²²¹ Ngooyu mulindu ukkede aya, mu bbunga. Ta—ta zwi kokuno pe, awalo kuzwa ku California. Ujisi kkulenge, alimwi kkulenge lila a lukolo lwakwe. Wa kapandulwa a lukolo lomwe, nkabal lya kaunka kuli imbi. Yaa. Muka Calvin. Mbo mbubo. Sa ula syoma kuti Leza ulakubamba kuba kabotu? Ula cisysoma. Ndili mweenzu kuli nduwe, mulindu. Nse kuzi pe. Obo mbwini. Mwabona? Ujisi kkulenge.

Kutegwa muziba kuti Leza mpali!

²²² Ngooyu mulindu ukkede moonya munsi lyakwe. Zina lyakwe ngu Muka. Harris. Walo mweenzu cakumaninina kuli ndime.

Pele cindi Muuya niwa muguma canguzu mwanakazi oyu, awalo uli mu lweetelelo kuli nguwe. Alimwi uzwa ku California. Mbo mbubo. Alimwi ujisi penzi ku ciwezo cakwe. Mbo mbubo. Ula syoma kuti Leza ula kuponya. Ikuti na obo mbwini, tambila janza lyako kutegwa bantu bakonzye kubona; mweenzu umaninide.

²²³ Muta yaami kukumvwisya kwanu kwini. Ncinzi cikonzya kucita ceeco? Tamu konzyi kucipandulula. Eco ncikankamanisy. Ta cikwe bupandulule. Amubuzye bantu abo; Nse na babaona mu buumi bwangu, nsekazi cintu kujatikizya mbabo. Inga cakumanana buyo mu musaangano.

²²⁴ Pele, lino amulange, muta yaamini kukumvwisya kwanu. Pele amu yaamine ku cintu Nca kasyomezya, kuti Uyo cicita eco; ikuti na oyo tauli Muuya nguwenya wakali kukkanala mu mibili wabantu, oyo wakaziba kuti Sarah wakaseka mu tente, kusule lya Muntu. Sa mbo mbubo? Elyo Wa kasyomezya, inyika kiitaninga buyo kunyonyoonwa ku mulilo, cindi Mwana wa muntuaku liyubununa Mwini alubo mu ciyanza cili obo, mbuli i—i Mwana wa muntu (wabusinsimi) uyo liyubununa Mwini mu mibili wabantu mbuli Mbwa kabede ano andiswe sunumasiku, mbuli Mbwa kabede kaindi. Lino ino tupona mu oora nzi? Munsi buyo ku lunyonyooko.

²²⁵ Beenzuma, muta imikili awa, limbi, mbuli basizibi. Amuzumine Jesu Kristo kuciindi nomuli mu Busyu Bwakwe. Lino, Ndi lizi, kanji ncilengwa ku bakutausi kukombelezya a kwaamba twaano, kujatikizya mutumbu uufwide a kuyabaala. Oko kuli kabotu. Pele ta tubooli aa mbaakani ya baama kuba bafu. Baama bali fwide, amebo; bataata, abalo. Pele tula boola a...cabupampu, kuzumina aa mbaakani ya Leza kaliyubulula Mwini muli Jesu Kristo, ku kugusya zibi zya inyika. Tula boola a kusyoma aa Mulungu. Elyo kuciindi Na simpikizya Ijwi Lyakwe...

²²⁶ Ta ndikwe makani ku mbungano nko kauunka, Methodisti, Baptisti, Katolika, Presbyteriani, na taakwe mbungano. Ikuti na mula zumina kuti mwa cimvwisya bwandene, akuziba kuti tamuna kuzyalululwa ncobeni, pele tuyanda kuba, a ku yanda ku cizumina lino, cisymezyo lino. Inga to zuzigwa lino, ple uyo zuzigwa cindi i...mbuli misaangano mboi zumanana. Mu yanda ku cizumina a mbaakani ezyo, mwalombwa mwimikile ku matende anu alimwi andipe buyo mupailo kuli ndiywe mpoonya awo mpo mwimivvi. Nyoонse omuno nomuzi...

²²⁷ Uta yaamini kuli kwako, ee, kwaamba kuti, "Nda kaambaula mu myaambo." Lino, eco ta cijisi cakucita a ncico. Ndila syoma mu kwaambaula mu myaambo, amebo.

²²⁸ Pele Nda kabola baozi, madaimona, zintuzyonse zimbi, ka zyaamba mu myaambo a kuupandulula. Mbo mbubo. Amu buzye mamissionari kumusanza okuno, inga twa buzya, Mukwesu

Creech, elyo ulizi kuti oko nkasimpe. Nda kababona kabaamba mu myambo, a kunywa bulowa kuzwa ku kapompo kamutwe wamuntu, kwiitila dyabulosi. Masimpe. Nda kababona kaba bikka penso ansi, nkabela yakali kunga yaima a kulemba mu myaambo iitazizilwe, a mulozi, na, simooba kaimvwi alya, kuupandulula.

²²⁹ Aboobo kwaambaula mu myaambo tacili citondezyo cakuti ujisi Muuya Uusalala. Ikuti eco...Ikuti na wakanana mu myaambo elyo kukaka eli Ijwi, kuli cintucimwi cilubide amwi. Yaa, uh-huh, yaa. Uta yaamini kukumvwisya kwako.

²³⁰ Muntuumwi kwayanda, inga wati, “Ee, Nda ka oongolola.” Nda cita ambebo. Pele uta yaamini kuli ceeco.

²³¹ Nda kaboa misyobo yoonse ya nguzu zya madaimona ka zyongolola akukwiila. Nda kababona bana Muhamedani kba ongolola aku kwila mane, bakali nyanyamusya beni mu busena buli obo, ba kakonzya kwiinzya tusamu maanza abo. Mu India, Nda kababona kaba kwiila akusotoka mujulu ansi, kubweza zikoto zya maanzi, a mahuuku muli ncico, a kuciyasa mu lukanda lwabo a kweendla atala lya makala amulilo apya maningi, mpawo kukaka Jesu Kristo.

²³² Mwabona, muta yaamini kukumvwisya kwanu, pele aa Ijwi lya Leza. Ikuti na buumi ta bweendelani, a Bbaibbele eli, kukuzyoma Ijwi lyonse lili omuya; alimwi uyanda ku cisyoma, alimwi Leza kubeleka luyando Lwakwe kwiinda muli nduwe, nkaambo inga waba cibeela ca Leza, walombwa wiimikile a kwaambakuti, “Ndila cizumina ndyoonya lino, mukwesu.” Nda lumba. Nda lumba. Leza aku longezye. Cabota. Leza aku longezye. Akube kuti Leza amupe, koonse oku kusinizya. Yebo wati...Buyo—buyo kuzumanana kwiimikila, buyo...

²³³ Yebo wati, “Ndili mbembala wa mbungano, Mukwesu Branham, pele ncobeni...Ndili muna Pentekoste. Pele cindi caboola ncobeni kwaamba ncobeni kuti, ‘Nda konzya kusyoma koonse kuti Ijwi ndya Bwini,’ Nse konzyi kucicita buya, pele Ndi—Ndi yanda kucicita. Kondi gwaysa, kondi kombela. Ndi yanda kwiimikila akwamba kuti ‘Ndi—Ndi...’” Yebo wati, “Ee, langa, kkede awa, na Nda kalungulula mu mbungano eyi, kuti Nda kaliko.” Pele ulizi, kundi lya moyo wako, toli oo. Leza uli kudi toli obo, ayabo, wabona, aboobo nkambonzi kuta imikila buyo? Uta yaamini kukumvwisya kwako omwini, pele yaama ku Ijwi Lyakwe.

²³⁴ Sa inga mwaimikila, bamwi bambi? Kufumbwa umbi uyanda kwiimikila? Lezaaku longezye. Lezaaku longezye. Lezaaku longezye, yebo. “Leza, kondi gwasya.” Leza amu longezye nyoonse. Eco ncibotu. Amuuuzumanane buyo kwiimikila.

²³⁵ Kwaamba, "Sa eco cila ndigwasya?" Kaimikile ciindi cimwi, kubona na cila cita. Ku cikanza nconzyo, "Ndila yanda, Mukwesu Branham, Ndi yanda kululama. Ndi yanda kululama."

²³⁶ Lino, Nsy a mbi kusiya mbungano yako. Peepe, munene. Kkala mpoonya awo mpo bede, kuba uyo muntu uuzwide Muuya Uusalala ncobeni mu mbungano eyo. Yebo wati, "Ee, Ta ndizi eco mweembeli wangu ncaya kwaamba." Uyo kulumba ikuti na waba, ikuti na muntu wa Leza. Mbo mbubo.

²³⁷ "Amulekele mumuni wanu umweke maningi ku bantu kutegwa babone milimo yanu mibotu a kulemeka Taata wabo."

²³⁸ Leza aku longezye. Ee, Leza amu longezye nyobilo, yebo, yebo mukwesu, yebo. Leza amu longezye, umwi aumwi. Leza aku longezye. Leza aku longezye anselelo awa.

²³⁹ Lino nywebo nomwaimikila, ikuti na malimvwa kabotu nimwamana kwiimikila, amu tambike buyo maanza anu kukwambila bamwi kuli mulimvwa kabotu kujatikizya ncico nimwamana kwiimikila. Mwabona, maanza oonse. Masimpe, mila cita. Wabona, uli sinizizye. Uli imvwi, kwaamba cuti, "Njo oba kamboni."

²⁴⁰ "Oyo uya ku Ndi iminina awa, Njo mwiiminina Okuya. Oyo ufwa bweeme nkambo ka Ndime awa kumbele lya bantu aba, Njo fwabweeme kuli nguwe kumbele lya Taata Wangu a Baangelo basalala." Uta fwibweeme nkambo ka Nguwe. Uta yaamini ku kubuza kwako omwini. Yaamina ku Ijwi lya Leza. "Oyo uyaku Nda ambilila kumbele lya bantu, walo Njo mwaambilila kumbele lya Taata Wangu a Baangelo basalala."

²⁴¹ Sa inga kwaba bamwi bambi, katutaninga buyo kupaila? Atu kotamike mitwe yebo nkokuti. Leza aku longezye, mucizi. Masimpe. Leza aku longezye, yebo mukwesu. Neamasimpe. Sena inga waba umwi, kuciindi buyo notu kotamikide mitwe yesu? Leza aku longezye, yebo. Lino, kuli kabotu, yebo uciimvwi. Tula lindila buyo asyoonto, asyoonto buyo. Leza aku longezye, mukwesu. Leza aku longezye. Kwaamba, "Sena kuli neo caamba kumwi cuti, 'Leza aku longezye'?" Oko nkwaamba zilongezyo zyango kuli nduwe. Leza aku longezye.

²⁴² Nobamwi nomwiimvwi ku bulambo, oko nkому tajisi busena bwa kukkala azyuuno, sa inga watambika janza lyako, kwaamba, "Mebo, Leza, nde ndime"? Leza aku longezye, mukwesu. Leza aku longezye, a yebo; a yebo, mucizi; a yebo, mukwesu wangu; a yebo, mucizi wangu.

²⁴³ Oh, Muuya Uusalala uleenda cabubotu loko atala lya bbunga. Sena muli cimvwide Eco? Leza aku longezye, muntu mukubusyi atala awa aa cibumbili. Leza aku longezye omuya mu kkona. Leza aku longezye, mwaalumi mukubusyi. Iiyi.

²⁴⁴ O Muuya Uusalala, koenda cabupya mu myoyo yesu lino. Tu tondezye bulubizi bwesu, Mwami. Ta tu...Ta tu

yaamini kukumvwisya kwesu, kubuzya kwesu. Pele tu yaamina ali Nduwe, nkaambo tu lizi kuti twiimvwi mu cisyomezyo Cako, Cabuleza cakasimpikizigwa ca buzuba. Wa liyubununa Omwini kwiindilla cili conse, kwindilila kubuzya kumwi. Tii twa konzya kubuzyabuzya a kucipandulula. Pele Wa seluka mpoonyawa akati kesu lino, akuyubununa kuli ndiswe kuti Mpoli ano, nkabela baalumi a banakazi bala syoma eco a ku cizumina.

²⁴⁵ Leza, bweza umwi aumwi wabo mu camba Cako, akuba sisa mu Mwaala wa Makkalo kusikila mililo ikainde. Tu laafwi kuumpwa, Mwami. Tuli cizyi. Twa jokela mu Sodoma. “Pele balulami taba kalobi a basimilandu.” Uya kwiita bana Bako, Mwami. Wa kamwiita Lota kuti, “Kozwa oko. Kozwa.” Nda lomba, Leza, kuti umwi aumwi uli mu ciimo eco sunumasiku, bali kubusena okuya, batali masimpe mpo baimvwi...

²⁴⁶ Leza, inga tii baba a ciindi cakuselemuka mugwagwa wa nzila yomwe, nzila ilubide. Inga tiiba bweza ciindi cakwiinda aa mumuni uusunula, ikuti na balai kkwene mu mizeezo yabo, nkaambo inga ba jaigwa. Mpawo mbobuti muntu mbwa konzya kubweza ciindi aa magolela abo Atamani, kuyeeyela buyo, kuzumbwida, kucita cintu kakutakwe nguzu ncobenei zya kucita, nkaambo ba zulilwa ku mbungano na kabungwe? Elyo ncobeni taba konzyi—konzyi kumvwisya nzila obo Ijwi lya Leza mbo likonzya sunu mbuli mbo Lya kalembwa kaindi, nzila zisyomezyo ezi mbo zikonzya kuyubululwa, bukkalo bwa cipostolo kumana. Ba gwasye, Taata. Nda kabikka kuli Nduwe mu Zina lya Jesu Kristo. Ameni.

²⁴⁷ Nda lumba, mukwesu, mucizi wangu. Ndili kkomene loko kukwiita kuti mukwesu, mucizi wangu.

²⁴⁸ Amuyeeye, Leza uyo ndibamba kupeda bwiinguzi ku ijwi lyonse, ku Buzuba bwa Lubeta. Zintuzyonse Nze kambauka sunumasiku, Nde elede kuyo zipeda bwiinguzi. Ndi lizi kabotu obo. Elyo cindi Nce kacita kuzwida ciindi nkeli mulombe muniini, kakambauka aya Makanimabotu, elyo mpawo kuba musowe na?

²⁴⁹ Lino mbangaye banu bacisidwe a bapengede, okuno sunumasiku, elyo uyanda kukombelwa? Tambika janza lyako. Lino sa inga mwandi citila cintu comwe cimbi? Amu bikke maanza anu atala lya umwi aumwi wanu. Amu bikke maanza ali umwi aumwi. Nyoonse amu kotamike mitwe yanu lino, elyo mbuli kuti mwali mu cikombelo, atala awa a cibumbili.

²⁵⁰ Oyandwa Leza, mu Zina lya Jesu Kristo, a Busyu Bwakwe, Busyu bwasimpikizigwa! I Ijwi ndilyonya lya kambaukwa lyatondezya kuti Uli mbobuca nguwenya, sunu, amuya myaaka. Lekela Muuya Uusalala wa Leza ufumpe atala a bbunga eli lya bantu ndyoonya lino. Bunji bwabo baboola a kuzumina Nduwe mbuli Mufutuli wabo, basikuwa banji ba Ku zumina a kujoka. O

Leza, Nda lomba kuti mu Zina lya Jesu Kristo, Ula ponya muntu aumwi. Wa kati, “Ezi zitondezyo ziyo batobel a bo basyoma; ikuti na baka bikke maanza abo a balwazi, bayo ponesegwa.” Wa ka cisomezya, Mwami, alimwi bana basyoma babikka maanza abo ali umwi aumwi.

²⁵¹ Saatani, wa zundwa. Kozwa mu bantu aba, mu Zina lya Jesu Kristo. Baleke bantu baunke, nkambo ka Bwami bwa Leza, mu Zina lya Jesu. Ameni.

²⁵² Boonse abo basyoma kuti Jesu Kristo lino Musilisi wanu, akwalo Mufutuli wanu, alimwi tuyanda ku Mu zumina atwaambo twini oto, amwiimikile ku matende anu, kwaamba, “Nda kuzumina Jesu lino mbuli Musilisi wangu, a Mufutuli wangu.” Cabota! Kolumbaizya Mwami! Komulumba Mwami! Lino atu tambike maanza esu aku Mwi imbila.

Ndiyo Mu lumbaizya, Ndiyo Mu lumbaizya,
Amulumbaizye Kabelele wakajailwa basizibi;
Amu Mu pe bulemu, nywebo nyoonse no bantu,
Nkambo Bulowa Bwakwe bwakasanzya
twiimba toonse.

²⁵³ Oh, sa tamuli mvwide kabotu? Amu vukauzye maanza. Oh, ma! Atu yiimbe alimwi.

Ndiyo Mu lumbaizya, Ndiyo Mu lumbaizya,
Amulumbaizye Kabelele nkambo . . .
(Amuyeeye, “mbobuca nguwenya, sunu,
amuya myaaka,” oyo Kabelele uliko.)
Amu Mu pe bulemu, nywebo nyoonse no bantu,
Nkambo Bulowa Bwakwe bwakasanzya
twiimba toonse.

²⁵⁴ Mula ciyanda eco? [Mbunga yaongolola, “Aleluya!”—Mul.] Ameni. Atu tambikizye a kusukana maanza a muntuumwi. Oku nkusasuka kwa muswaangano, katalika kwamuswangano wabaiminizi. Kwaamba, “Leza aku longezye, mukwesu, muzwamasi. Leza aku longezye.” Kuli kabotu. Eco ncibotu. Cabota! Lino sena mula syoma kuti moyooba a muswangano mupati wabaiminizi kwamana oku? [“Ameni.”] Tu lumba Leza ku muswaangano mupati, lino tu yooba a muswangano mupati wabaiminizi. Bonse ba cisoma, baambe, “Ameni.” [“Ameni.”]

Lusyomo lwangu lulanga kuli Nduwe,
Yebo Kabelele (Amu Mu lange lino.) Kalivari,
O Mufutuli Sibuleza;
Lino kondimvwa kuciindi ne Ndi komba,
Kogwisya zibi zyangu zyoonse,
Oh, ndilekele kuzwa buzuba buno
Kuba Wako cakumaninina!
Kuciindi Ne enda mu buumi bwabube
bwatuzila twa musinze,
Elyo mafwabi kandi bungilide,

Koba Nduwe Mweenzyi wangu;
 Lailila mudima kuba isikati,
 Gwisya kuyoowa kwa buusu,
 Oh, ndilekele kuzwa buzuba buno
 Kuba Wako cakumaninina!

²⁵⁵ Ameni! I mbunga yaamba, “Ameni.” [Mbunga yaamba, “Ameni.”—Mul.] Aleluya!

Oh, amu Mu lumbaizye,
 Amulumbaizye Kabelele wakajailwa basizibi;
 Amu Mu pe bulemu, nywebo nyoonse no bantu,
 Nkambo Bulowa Bwakwe bwakasanzya
 twiimba toonse.

Mbocili cibotuloko!

²⁵⁶ Ncibotu, atu kotamike mitwe yesu lino ku mupailo wa zilongezyo. Ta ndizi asalwa kucicita. Mukwesu Johnny Manadal, uuzwa ku California, kuciindi notu vundeme mitwe yesu. Lino muta lubi juunza masiku, oko nkatalika, matalikilo. Juunza masiku, muswangano wabaiminizi unooli nkoonya okuno, nkoonya okuno mu hoolo eyi, aa seveni theeti.

²⁵⁷ Leza amu longezye. Sena mwabu botelwa Busyu bwa Leza? [Mbunga yaamba, “Ameni.”—Mul.] Ameni. Lino atu kotamike mitwe yesu kuciindi Mukwesu Johnny natu mwaisya.



UTA YAAMINI KUKUMVVISYA KWAKO OMWINI TNG65-0120
(Lean Not Unto Thy Own Understanding)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwatatu mangolezya, Mukazimaziba 20, 1965, ku muswaangano wabaimizi ba Full Gospel Business Men's Fellowship International ku Ramada Inn mu Phoenix, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisycintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org